

度

支

奏

議

度支奏議卷之二十

太子太保戶部尚書淄青畢自嚴視草

痰暈陡發フ勢貼レ疏

奏爲痰暈陡發病勢貼危懇乞

天恩給假調理事臣自嚴一介草茅至愚極陋仰荷
聖明優容竊祿四十餘年頃以桑榆暮景待臯計曹
又已五載汲深綆短自知甚明先是屢疏乞休
輒奉

天恩慰留責以大義臣

捫心惶汗犬馬戀主匪

第義無所逃。真自情不容恕。用是不顧衰憊。力供職。所謂一息尚存。此志不容少懈者也。數月以來。拮据部務。蚤入晏出。率以爲常。但臣素患痰火眩暈。兼苦下部酸軟。每遇

朝祭大典。惴惴以傾覆爲慮。忍死強支。幸未失儀。頃以關寧薊密等處兵馬錢糧經制奉

旨合奏。督撫查報已到。兵部會議再三。不容更緩。每日公同司官劉鎬謝肇玄。督率吏書磨勘銷案。具疏題覆。甫獲脫稿。正盡題繕寫間。二十四日

酉刻出禁衛自火房行至後堂院爾昏暈仆地
不省人事班役扶掖灌救良久方醒乃始攙扶
歸寓又復昏暈如前家人輩驚慌啼泣急延醫
官韓恭伯診視投以搜風化痰湯劑終苦頭目
昏眩手足麻木幾不知四大之爲我有而計務
之尚在其躬也延至次早連進前藥猶覺手不
能執筆足不能履地蓋臣以踰六望七之年
勉撐持不謂一蹶不振如此力疾弗克入部內
省倍覺瘵官輒用哀籲

聖明乞假調理萬一稍有起色卽圖鞠躬盡瘁若果
病入膏肓再容叩

聞乞骸臣病時中口占具奏萬興

天恩俯俞殘喘幸甚臣自嚴可任隕越待

命之至

崇禎五年二月二十六日奏本月二十九日奉
旨時艱甚劇兵食方殷卿以勤練持籌屢旨自悉
正當一意急公何得輒懷弛鉅着卽出視事不必
請假該部知道欽此

積病難痊，一腔可一疏。

奏爲積病難痊，最腔可虞，報

主有心，延生無計，懇祈

聖明矜憐，允放以無重誤。

國計事。頃臣自嚴於本月二十四日，薄暮陡中風，痰昏迷，二次延醫救治，良久方醒，隨於二十六

日具疏請假調理，言念

君恩浩蕩，涓滴未酬，猶冀微侍小愈，驚竭自効，不謂數日以來，頭目昏眩，如在雲霧，強起視事，旋即

頃仆臣始自歎此身已矣不復再堪鞭策矣逮
二十九日見邸報臣前給假疏奉

聖旨時艱甚劇兵食方殷卿以勤練持籌屢旨自悉
正當一意急公何得輒懷弛卸着卽出視事不必
請假該部知道欽之竊念臣昏眊已甚辜過已深
幸荷

聖明包荒得道斧鑕無奈衰病侵尋大慮曠餒勤練
之稱實非臣所克堪也弛卸之念尤非臣所敢
萌也正爲時艱身瘁亟須引退以避賢路豈緣

軍與餉、希圖自便而昧急公、伏枕跼蹐、
內懷惶若、果有此真罪、不容於死、矣惟是臣本
豎儒、力綿任鉅、久玷計曹、心血盡枯、以故元氣
凋殘、肢體困憊、膏肓之疾一發而不可收、藥連
日延醫、診視僉謂標本俱病、氣血兩傷、委非一
朝一夕之積、卽今痰涎壅盛、嗽聲不絕、床褥呻
吟、痿痺已著、臣誠貿貿自失、且惴惴知懼也、今
日何時、主計何官、非得精明強幹之身、決難勝
任、如臣真衰真病人所共見、共聞、尚可嘗試而

漫爲平蓋葵心向日何忍輕棄於

清時而蒲質經秋莫能自必其殘喘微臣雖欲再竭
犬馬之力而已萬萬不能矣

皇上雖欲收臣桑榆之効而亦萬萬無望矣臣平日

顧軍

國不暇顧性命今日悞性命且以悞軍

國得崇禎四年閏十一月內戎政尚書閔夢得

因患痺疾乞休荷蒙

聖恩允放回籍今臣病證相同而又過之伏乞

聖明之視同之

矜憐允放

早擇英賢料理計務臣雖海先朝露猶瞑目無憾也
自嚴可勝哀額懇禱之至

崇禎五年三月初一日具

奏本月初四日奉

王目前首請補已明何復有此奏若時事艱虞大臣
輒托疾規卸更望何人幹濟着卽出視事不得再
陳該部知道欽此

遵 旨再估西協撫賞貨物疏

題爲撫賞已經實查謹據數彙冊隨併撫物

進呈

御覽以憑

聖裁事崇禎五年二月十一日戶科抄出該本部會
同兵部尚書熊明遇及戶兵科都給事中玄默
等題會估西協撫賞貨物價值緣繇等因崇禎
五年二月初九日奉

聖旨貨物濫惡無裨實用乃會估與原價不甚相遠

且稱新置尚恐不足何以清釐冒破還着再行核
估確議具奏欽此欽遵抄出到部該臣等於二月
十六日復會同兵部尚書熊明遇戶科都給事
中玄默給事中朱又煥兵科都給事中汪始亨
給事中黃紹杰齊集

東朝房將西協賞物喚集原估牙行人等逐一覆
估除稍差者照前估無異外再詳揀粗舊等貨
重加減估該臣等看得嚴核賞弊確估物價臣
等看議前覈業具陳大端矣今因會估與原價

不甚相遠及有新置尚恐不足一語似與清釐
之意未協奉

旨再行核估敢不仰體

聖明飭邊至意蓋臣等書生止能辨物美惡未必盡
諳時價會估之日悉聽牙行人等驗估確報臣
等分單酌定有減無增彼時牙行揀呈舊錦通
衣等件稱其袖小色淡實價止值如許若論未
縫色鮮之時原價亦不能買臣等驗以爲然故
前疏云不敢輕徇浮估以縱貪委之朘削者爲

舊物難冒實價也又云不敢刻意減估以遺承
買之後艱者慮減價難買新貨也會估事端核
價故直據牙行所報斟酌於新舊之值誠恐日
後奸委反藉減價仍易粗惡故詳舉以入

昔原爲疆事却慮非爲侵冒開端然亦本協賞物委
較他鎮稍堪視前宜鎮及今中協所進實有差
等耳等於別項會估未常不嚴爲減削也謹將
今次改估物價開列于後蓋幾無餘地矣

計開

白馬關

金段一疋前估一兩三錢今再四審估絲
粗又減二錢實值一兩一錢

紅布一疋前減估價一錢今估與前無異
天青段一疋前減估價一兩二錢今估與
前無異

白布一疋前減估價六分五釐今估與前
無異

金裙一條前估價七錢今估與前無異

青布一疋前減估價九分今估與前無異
藍布一疋前減估價七分今估與前無異
段裙一條前減估價五錢今估與前無異
羊皮金一張前減估價三分今估與前無異

異

通衣一件前減估價五兩今再四審估舊
又減五錢止筭四兩五錢

黑峪關

大金段一疋前減估價一兩七錢今估絲

粗又減一錢實止筭一兩六錢

二等通袖一件前減估四兩五錢今再四
審估袖小太舊又減五錢止筭四兩

金裙一條前減估價六錢今估與前無異
白粗布一疋前減估價五分今估與前無
異

金裙一條前估價八錢今估與前無異

金裙一條前減估價五錢今估與前無異
青紬布一疋前減估價九分今估與前無

異

藍粗布一疋前減估價六分五釐今估與
前無異

三等通袖一件前減估價三兩今估與前
無異

一等通袖一件前估七兩今再四審估絲
粗又減五錢止筭六兩五錢

潮河川

色段一疋前估價三錢今估與前無異

小金段一疋前估價一兩今估與前無異
通地金一疋前估價一兩二錢今估與前
無異

藍粗布一疋前估價六分今估與前無異
帽段一疋前估一兩二錢今再四審估絲
粗又減二錢止筭一兩

金衣一件前估價五兩今估與前無異
貂鼠皮一張前估價五錢今估與前無異
白綾一疋前估一兩二錢今再四審估絲

卑有粉薄又減二錢止筭一兩

水獺皮一張前減估價二錢今估與前無異

補段一疋前估一兩八錢今再四審估舊又減二錢止筭一兩六錢

白粗布一疋前減估價五分五釐今估與前無異

金裙一條前估價八錢今估與前無異

紅布一疋前減估價九分今估與前無異

色紬一疋前估一兩一錢今再四審估薄

又減一錢止筭一兩

狐狸皮一張前減估價一錢今估與前無

異

色裙一條前減估價三錢今估與前無異

紅褐一疋前估七錢今再四審估粗又減

一錢止筭六錢

大水峪

補衣一件前估八錢五分八釐三毫零

今估減去八釐三毫

金裙一條前減估價六錢今估與前無異
色裙一條前減估價二錢今估與前無異
通衣一件前減估價三兩今估與前無異
漂白布一疋前減估價一錢二分今估與
前無異

白粗布一疋前減估價八分今估與前無異

花絹半疋前估價二錢二分五釐今估與

前無異

白平機布一疋前估價二錢今估與前無異

大天青段一疋前估七錢今再四審估短又減一錢止筭六錢

遍地金一疋前估二兩七錢一分今再四審估舊又減三錢止筭二兩四錢一分
大京藍布一疋前估價二錢二分今估與前無異

藍乾機布一疋前減估價一錢三分今估

與前無異

小京藍布一疋前估價一錢五分今估與

前無異

筒青布一疋前估價一錢二分今估與前

無異

紅乾機布一疋前估價一錢五分今估與

前無異

紅素段一疋前估價三錢五分今估與前

無異

崇禎五年三月初五日具

題本月初九日奉

聖旨這撫賞貨物覈估價值依議其以前置買經手
何人着監視查明職名照數追補據實具奏欽此

臣病實深聞命增懼疏

奏爲臣病實深聞

命增懼謹遵

旨力疾勉出以明分義事○照臣以桑榆暮景久困
馳驅邇者中痰二次病勢萬分貼危

國計萬分難任臣不得已叩

關哀籲仰冀

聖明矜憐允放頃於三月初一日具有積痼難痊一

疏本月初四日奉

聖旨前旨諭卿已明何復有此奏若時事艱虞大臣
輒托疾規却更望何人幹濟着卽出視事不得再
陳該部知道欽此臣捧誦再四惶悚無地夫平居
而竊祿時艱而掉臂則不忠不敬莫大乎是有
臣如此將安用之審果若斯何辭斧鑕但臣年
齒向頽二豎相侵痰喘交攻一病垂死昕夕昏
暈如墮雲霧方今時事倥傯稍遲一刻則立誤
機宜頭緒紛紜稍乖一著卽坐基事變似此形
神狼狽何能曲計盈縮深媿鈍頑久妨賢路蚤

計

國以罷臣無羈臣以誤

國實區區下願也廼蒙

聖慈優渥

明綸渙頒惕以艱虞責以規卸似謂老馬尚可識途
不忍餘生遽爾填壑臣揣力業已殫竭而枯詞
實難再瀆益

恩重如山卽捐糜何足言報而義等逃兩將軀命轉
見爲輕臣於此時雖病危而不敢言病雖宜去

而不敢言去、稍幸杜門以來、荏苒旬餘、藥裹時
親、畧有起色、只得力疾竭蹶、謝

恩入部、若其微倖小愈、或可勉支數月、時事少寧、再
圖乞骸、萬一大命近止、溢先朝露、要畢微臣致
身之義而止、今固難以預料也、而自嚴可任惶
悚、隕越之至

崇禎五年三月初六日具

奏本月初九日奉

旨覽卿奏、已遵旨視事、其見恪慎、邊計方殷、還忝

廣籌節裕長策以資撙伐用付委任該部知道
欽此

會估薊鎮中協撫賞貨物疏

題爲恭報查過撫賞銀兩貨物事崇禎五年二月初一日戶科抄出監視薊鎮中協太監王之心題前事等因崇禎五年正月三十日奉

聖旨這查過歷年撫賞銀貨數目知道了各委侵欠的着該撫按嚴提追比貨物不堪的仍挨查經手的責令陪補三年分撫賞何故二年預發致有陷失兵部又何故多發且庫折至四百餘兩脩工豈無額設應否動支賞銀節剝銀兩卽宜還庫何故任

焚委侵用通着查核明白具奏見貯貨物轉移西
協該部卽與議覆所進段布等項併同該科確估
來說該衙門知道欽此欽遵抄出到部除提追各
委侵欠挨查經手責陪及預發多發撫賞等項
聽監視撫按各衙門遵

旨查核具奏外其轉移賞貨并會估物價係臣部議
覆謹遵

旨于二月十六日會同兵部尚書熊明遇戶科都給
事中玄默兵科都給事中汪始亨齊集東朝房

原缺

戶一寸估減三分

紅布一疋原價一錢一分五釐長一丈八尺
潤九寸估減三分五釐

白布一疋原價七分長一丈四尺潤一尺估
減三分

毛青布一疋原價一錢二分七釐長一丈八
尺潤九寸估減四分七釐

鐵青布一疋原價一錢五分長一丈八尺潤
九寸估減六分

崇禎五年三月十一日具

題本月十四日奉

聖旨這估減賞物價值知道了卽着該撫同監視嚴
提婪委將冒價照數追賠其與西協轉移價值依
議行欽此

會估山西撫賞貨物疏

題爲遵

旨會查撫賞事崇禎五年正月二十二日戶科抄出
監視山西太監劉允中題前事等因崇禎五年
正月二十一日奉

聖旨這查過撫賞貨物數目知道了其低假朽爛等
物歷來司道糧廳不行稽覈顯屬通同侵冒豈獨
各委之罪着會同撫按挨查年分記號責令原委
勒限補償仍將司道糧廳職名明開奏奪不許隱

漏所進段正皮張該部科詳估確議來說該衙門
知道欽此欽遵抄出到部除提追各委侵冒挨查
年分記號責令陪補其司道糧廳各官職名明
開奏

奉聽監視撫按各衙門遵

旨查核具奏外該臣部謹遵

明會同兵部尚書熊明遇戶科都給事中玄默給
事中朱又煥兵科都給事中汪始亨給事中黃

紹杰齊集

東朝房將山西鎮賞物與集崇文門牙行人等公
同驗估計丈尺并酌質料復辯舊新于再三權
度之中寓稱物平施之意內有無容議減者因
原質既真其有可應減者雖錙銖必較程量悉
秉于公虛既難掩今日衆人之目吹求總期于
核實并足服當日領委之心今將估過賞物數
目及減價緣繇開列上

聞恭候

命下移文該鎮督撫監視衙門將浮冒價值照數追

陪入官庶婪委懲而邊政肅矣

計開

上頭號蟒段一疋顏色大紅長四丈濶一尺

七寸原價九兩五錢五釐今估價值無異

頭號南京蟒段一疋係玄色長四丈濶二尺

原價九兩六錢今估值八兩六錢計減一

兩

頭號蟒段一疋係木紅色長三丈五尺濶一

尺八寸原價七兩四錢九分八釐今估值

六兩四錢九分八釐計減一兩

次號鱗段一疋係木紅色長三丈二尺濶一尺八寸原價三兩九錢七分二釐九毫八絲今估值三兩三錢計減六錢七分二釐九毫八絲

遍地金段一疋係木紅色長三丈濶一尺六寸原價一兩七錢三分四毫今估值一兩五錢計減二錢三分四毫

金段一疋係天青色長三丈濶一尺八寸原

價二兩一錢九分四釐九毫七絲今估值
一兩八錢計減三錢九分四釐九毫七絲
上段一疋係木紅色長二丈七尺濶一尺七
寸原價一兩四錢一分七釐五毫五絲今
估值一兩三錢計減一錢一分七釐五毫
五絲

中段一疋係木紅色長二丈五尺濶一尺六
寸原價七錢九分二釐八毫一絲今估值
六錢五分計減一錢四分二釐八毫一絲

小段一疋係木紅色長一丈八尺濶一尺八寸原價四錢一分一釐三毫今估值四錢計減一分一釐三毫

粧花女衣一件係紅遍地金襖段長二丈七尺濶一尺七寸原價一兩三錢二分一釐六毫今估值一兩二錢計減一錢二分一釐六毫

粧花綠裙六幅濶一尺七寸原價一兩三錢二分一釐六毫今估值一兩三錢計減二

分一釐六毫

頭號水獺皮一張原價八錢八分今估值五錢計減三錢八分

二號水獺皮一張原價七錢八分今估值四錢五分計減三錢三分

三號水獺皮一張原價五錢一分二毫今估值三錢五分計減一錢六分二毫

崇禎五年三月二十二日具

題本月二十六日奉

旨這山西鎮撫賞物價既經覈估俱依議卽着該
督撫同監視遵旨嚴提各委照數追補具奏欽此

會估大同撫賞貨物疏

題爲恭報盤查過撫夷銀兩段布器物等件見在
數目事崇禎五年正月二十日戶科抄出監視
大同鎮糧餉兵馬邊牆撫賞等事御馬監太監
劉文忠題前事等因崇禎五年正月十九日奉
聖旨這查過庫貯賞夷銀貨數目知道了據稱冊內
所開諸物粗惡不堪顯有侵冒情弊候撫賞冊卷
磨勘完日通行覈算具奏今後置買貨物務選擇
庶幹不許輕徇濫委其驗收給發俱着該撫會同

監視嚴加稽覈如有冒價濶支等情盡法重治這
所進段疋等物該部科詳估確議來說該衙門知
道欽此欽遵抄出到部除行該撫今後務擇廉幹
委買并會同監視衙門驗收外其

進呈貨物臣等遵

旨會同兵部尚書熊明遇戶科都給事中玄默給事
中朱文煥兵科都給事中汪始亨給事中黃紹
杰齊集

東朝房將大同銀賞物傳喚崇文門牙行人等公

一驗看大抵貨質之失真總繇出入之多弊在委官領價之時既先居爲奇貨及驗收給散之際又陰飾其侵欺狐鼠因緣爲奸砭砭何難類玉積習相沿已非一日

皇上邇流窮源懲前毖後此後置買委用務公選廉幹之使則諸奸鑽營之路已窮收發查驗要悉歸執法之地則宵小通同之途并塞煌煌

明旨照徹淵微從此稽查既密出入一清冒濫可無虞矣今將所估賞物詳核新舊顏色丈尺及應

減分數與照舊緣繇開列上

聞恭候

命下移文該督撫監視衙門將浮冒價值照數追陪
入官庶婪委懲而邊政肅矣

計開

官綠蟒段一疋長四丈濶一尺八寸原價一

十二兩今估值一十兩計減二兩

水紅蘇金段一疋長三丈濶二尺原價一兩

七錢今估值一兩三錢計減四錢

蘇州織金女袍一疋長三丈五尺濶二尺原價四兩今估值三兩五錢計減五錢
水紅錢羽段一疋長三丈濶一尺八寸原價一兩三錢今估值一兩一錢計減二錢
偏地金抹絨粧花襖一疋長二丈八尺濶一尺七寸原價二兩二錢今估值無異
偏地金抹絨粧花女裙一疋計六幅原價二兩二錢今估值無異

大紅金錢羽段一疋長三丈濶一尺八寸原

一兩今估價值無異

本莊上兼段一疋長三丈濶二尺原價二兩
今估價值一兩八錢計減二錢

本莊上兼段一疋長三丈濶二尺原價一兩
九錢今估價值一兩七錢計減二錢

本莊上兼段一疋長二丈濶一尺六寸原價
九錢四分今估價值六錢計減三錢四分

本莊上兼段一疋長二丈濶一尺七寸原價一兩三
錢三分今估價值八錢計減五錢三分

木紅福地金粉段一疋長二丈五尺濶一尺六寸原價一兩六錢今估價值無異

木紅真遠段一疋長三丈濶一尺七寸原價九錢今估值八錢計減一錢

木紅粉段一疋長一丈八尺濶一尺六寸原價五錢今估值一錢五分計減三錢五分
木紅摺羽段一疋長三丈濶一尺八寸原價二兩今估價值無異

木紅唐錢羽段一疋長三丈濶一尺八寸原

價一兩六錢今估價值無異

木紅正次長頭段一疋長三丈濶一尺六寸

原價一兩二錢七分今估値一兩二錢計

減七分

紅閃綠襍兼絨段一疋長三丈二尺濶二尺

原價二兩今估價值無異

雜色段一疋長三丈二尺濶一尺八寸原價

一兩八錢今估値一兩七錢計減一錢

玄青金段一疋長三丈濶一尺八寸原價三

兩三錢今估值三兩計減三錢

木紅二遠段一疋長一丈八尺濶一尺五寸
原價七錢今估值四錢計減三錢

木紅大潞紬一疋長二丈五尺濶一尺五寸
原價一兩六錢八分今估價值無異

木紅中潞紬一疋長一丈八尺濶一尺三寸
原價八錢四分今估值七錢計減一錢四
分

上號藍梭布一疋長一丈八尺濶一尺二寸

原價一錢二分今估價值無異

紅青梭布一疋長一丈七尺濶一尺原價一錢五分五釐今估價值一錢二分計減三分五釐

烏青梭布一疋長一丈七尺濶一尺原價一錢一分五釐今估價值一錢計減一分五釐

藍梭布一疋長一丈六尺濶一尺原價一錢

一分今估價值六分計減五分

白梭布一疋長一丈六尺濶一尺原價一錢

一分今估值一錢計減一分

桃紅梭布一疋長一丈六尺濶九寸原價一錢六分今估值一錢二分計減四分

木紅褐一疋長三丈濶一尺四寸原價六錢

今估價值無異

茶葉一包原價八釐今估價值無異

襪色絲線一斤原價八錢秤止十兩今估值

二錢八分如一斤估價五錢

曲沃布一疋長二丈濶九寸原價一錢今估

值六分計減四分

羊皮金一張原價四分今係價值無異

虎皮一張原價二兩毛全爪無今估價一兩

五錢計減五錢

豹皮一張原價二兩毛脫今估價四錢計減

一兩六錢

頂號水獺皮一張原價九錢九分今估價值四

錢五分計減五錢四分

頭號水獺皮一張原價九錢五分今作值四

銀五分計減五錢

二號水獺皮一張原價八錢五分今估值三錢五分計減六錢

次二號水獺皮一張原價七錢六分今估值二錢五分計減五錢一分

黃號水獺皮一張原價五錢今估值六分計減四錢四分

狐皮一張原價二錢九分今估值二錢計減九分

崇禎五年三月二十二日具

題本月二十六日奉

聖旨這大同撫賞物價既經會估明白依議行該督撫會同監視嚴追浮冒不得延縱欽此

臣奏徐日曦開復認罪疏

奏爲遵

旨回奏乞

恩認罪事先是總漕部院李待問應天撫按莊祖誨
陳乾陽會題松江府推官徐日曦開復前降職
級緣繇臣部如議具覆崇禎五年四月十五日
奉

聖旨徐日曦准再復三級餘俟京邊銀解到再議本
內署印前稱一月後稱一季是何不侔又過抑終

身是何說該司官著回奏欽此欽遵臣不覺瞿然
增懼爽然自失臣以衰朽闇劣之身承乏度支
一切題覆皆臣之事則諸所未當皆臣之罪也
皇上不加臣譴責而第令司官回奏誠不啻

恩侔高厚矣除雲南司郎中潘永圖自行具疏回
奏外臣查徐日曦先以崇禎三年催兌折漕奉
旨降職五級崇禎三年漕事既竣伏蒙

聖恩准其復職二級仍俟新運完日再議今五年漕
事又竣總漕撫按疏至臣誠不得不如議具覆

也惟是元年京邊錢糧查舉降級先准該撫曹文衡移咨開復而臣部回咨仍聽彼中撫按遵照新例徑自具題及諸臣附入完漕疏中代題原銀三千九百兩僅解到三千七百兩尚有二百兩起解未到臣亦不敢代爲諱也徐日曦署印日月久近臣部無可查考但查撫臣前咨內稱上海京邊截日扣筭一季該三千九百兩有奇徐日曦以司李攝縣篆隨巡查盤奔走不遑實歷縣務不過月餘今次來疏直稱署印一月

故雲南司准邊餉司付文據原咨入疏蓋外稱
一月似除隨巡查盤而言而內稱一季實通論
署印徵糧之日亦勿欺之義也前項情節皆據
該司開報入疏今該司見在回

奏臣無容多贅也至遏抑終身一語則該司具稿
原無而臣看閱之際偶有點綴不過因撫按之
獎誨而過爲憐才緣資俸之已深而代爲乞

恩忽不覺其意圓而語滯激切而不倫矣案牘旣紛
倉皇無當臣愚當受失言之罪若諉之司官則

不任受也臣部諸疏雖經司官削纂多辭
自是確定若復以此貽累司官無論臣有靦面
目難立司屬之上且恐後日不便再爲商確其
所關於職掌者不細是用據實剖陳甘伏失言
之罪無以臣之愚昧而更累及司官則厚幸矣
謹同郎中潘永圖一并回

奏認罪伏乞

聖明鑒裁處分施行臣愚無任惶悚隕越之至

崇禎五年四月二十日具

奏本月二十三日奉

聖旨奏內事情知道了該司官已有旨卿部務勤繁
不必代引該部知道欽此

覆餉司林玄造冊未明疏

題爲錢糧收除有道閱冊疑義可駭謹據冊摘述
仰質

聖鑒事崇禎四年十二月二十日戶科抄出管理新
餉戶部右侍郎周士樸題前事內開頃自去年
八月

皇上處錢糧虛冒創爲逐月

奏報之法一時各鎮無不奉行惟謹原任山海餉
司林玄雖到任在去年九月初八日而經手收

於前月去歲七月始七月餉冊以隔於例未及
奏報今限滿交代於四年九月內續補去年七月
餉冊一本蓋爲考覈地也見今奉有照例考覈
之

旨臣取冊細閱內註本月舊管存庫銀五千四百六
十四兩二錢八釐一毫四絲二忽新收十宗共
銀十萬八千六百三十九兩八錢九分一釐五
毫三絲五忽合舊管新收論之見在之數蓋以
十一萬四千一百四兩九分九釐六毫七絲七

忽計也註支放者四宗共銀五萬七千四百四十兩六錢五分一釐則開除之數亦應止此乃開去銀七萬一百四十九兩八分四釐是多開銀一萬一千七百八兩四錢三分三釐以致本月應存庫銀該有五萬六千六百六十三兩四錢四分八釐六毫七絲七忽之多者今止存銀四萬三千九百五十五兩一分五釐六毫七絲七忽反復思維不得其解追查放款之後附有一項奉文扣出七月分見在管分缺兵截日節

省等銀一萬二千七百八兩四錢二分三釐
數與前多開之數等或者本官未及詳察開於
此乎獨不思此項銀兩已將五百八十二兩八
錢二分給過七月公費工食草乾等項其餘一
萬二千一百二十五兩六錢一分三釐收入八
月作正支銷歸着各有其地聲說原自分明不
知何故又牽扭一處混行開除繇前言之無放
而輒銷七月之實在大受其損繇後言之未收
而先銷七月之開除實居於重此在本官或自

有說臣智識短淺不敢不聞之

皇上伏祈

勅下該司責令自行回

奏俾此項金錢確有着落所關於

國計不淺也等因開列數目具題本年十二月十

九日奉

聖旨這餉冊不明事情着林玄自行回奏本內開除
款中有收過一項是何說着周士樸明白奏來該
部知道欽此欽遵抄出到部隨該山海餉司林玄

回

奏前事內開臣自去歲九月到任接管七月分錢糧七月內有奉文扣出現在營分缺兵截日等銀一萬二千七百八兩四錢三分三釐此仍關門從前之規也至八月始奉

奏繳之

旨該臣倍加敬慎因定爲照依見在兵馬給以見在錢糧務求清楚故自八月以後并無扣出營分缺兵等銀之條款也因思七月扣出銀一萬二

千七百八兩四錢三分三釐除本月已先開銷
各衙門廩工馬乾等項共五百八十二兩八錢
二分尚存一萬二千一百二十五兩六錢一分
三釐收入八月新收扣出營分缺兵一款之所
繇來也逮臣一年任內收放事竣

奏報疏冊事亦竣至今年九月內纔追造去年七
月之冊以補部科磨勘一年首末之數而此扣
出缺兵截日等項所存之銀業已造去歲八月
新收項內若非作開除其道無繇也且臣於七

月開除項下卽明註已收入八月作正支銷至
八月新收款內又明開一收七月分扣存缺兵
截日等銀一萬二千一百二十五兩六錢一分
三釐款項數目絲毫不異更無兩錢糧矣不然
臣去歲八月新收一萬二千一百二十五兩六
錢一分三釐既不從內部發解并不從各營還
官此銀從何而來乎七月委無放而銷八月能
無入而收乎七月實在委受其損而八月實在
明居其益矣總之此項錢糧收入八月

奏繳在先追造七月餉冊在後八月既收七月自
不得不除并無重開除也竊念臣任內錢糧前
經總理內臣張彝憲已稱林玄一年任內收放
數目相符繼因無馬兵丁扣裁

皇上着臣堂官畢自嚴等回

奏內又開一年收放數目明白已奉

皇上林玄着照例考覈之

旨矣今臣右堂官亦諒臣心實無他第以錢糧重事
命臣自開奏於

聖明之醇而臣有堂官管餉之責始盡而錢糧始歸
道情矣伏乞

皇上洞矚俯從寬釋臣右堂官疏後列七月項款且
疏後并列八月項款單執七月以責臣臣迹未
剖必令七八兩月以求臣臣無不白之心矣等
因本年十二月二十九日奉

聖旨該部覆覈具奏欽此欽遵抄出到部該臣咨行
山永巡撫確查去後隨准山永巡撫丘禾嘉咨
稱移行管餉劉主事將林餉司任內錢糧自二

年七月起至四年七月止收支數目備造冊報
送院詳查去後今准回稱林餉司接管三年七
月分起所有本月扣出缺兵截日節省等銀一
萬二千七百八兩四錢三分三釐除支五百八
十二兩八錢二分湊給各衙門公費工食外尚
存銀一萬二千一百二十五兩六錢一分三釐
因八月間奉有奏繳之

旨遂將前項扣存缺兵截日節省等銀入於八月新
報項內其所扣前銀卽係七月實放各管餉內

應撥銀數之銀原非別項官兵廩餉等因何種

前來准此爲照三年七月分開除之下有扣本
月分見貯缺兵節省等銀一萬二千一百二十
五兩六錢一分三釐未載附於實在項下故部
堂駁之誠是及閱八月分款項前銀已載入新
收似無別情等因回咨前來該臣復委山東司
郎中張鵬翀山西司郎中魏公韓廣東司郎中
胡之竑雲南司郎中潘永圖江西司郎中李公
門貴州司郎中聶明楷共六員公同查勘去後

續據覆核無異具繇呈報到臣該臣等看得山海餉司林玄七八兩月收支數目其餘皆符止七月開除項下開銷扣缺等銀一萬二千七百八兩四錢三分三釐除給放過廩工馬乾等項銀五百八十二兩八錢二分多開銷銀一萬二千二百二十五兩六錢一分三釐無放而開新餉堂駁之誠是也及林玄回

奏則以爲開於七月而收於八月亦復有詞仍

臣等未敢以臆決也先咨山永撫臣

臣等查前奉又委本部司屬六員會同
算餘謂開除於七月者新收於八月銀數原
不差遺冊殊欠分明臣等復查此一項也一經
駁查而頭緒始出再經合查而疑竇始破其七
月分所多開除之一萬二千餘兩卽八月分所
新收之一萬二千餘兩也先除後收似屬混淆
乃除而復收亦無埋沒臣等不敢以萬金之餉
扶同開銷亦不敢以造冊之訛坐以侵漁然八
月

奏繳於前而七月追造於後則開收之顛倒亦自有繇緣

奏繳始於八月故先造八月之冊已將此項扣存銀兩開入新收項下逮差滿考覈補造七月之冊遂不得以此項造入開除項下耳總之此項銀兩在七月應作實在不應作開除在八月應作舊管不應作新收惟其四柱安插未當是以磨勘數目不符若非合八月而詳覈之本官將何以自解除將原冊四柱改正外案查崇禎

三年九月內臣部題爲按月

奏報宜核其原等事奉有開註混淆官胥一體罰
治之

旨相應厚諒其無弊而薄責其偶誤本官罰俸三個月書胥責革用示創懲者也既經查明相應覆
請恭候

命下臣部移文吏部并該撫及該餉司遵奉施行

崇禎五年四月二十二日具

題本月二十七日奉

聖旨錢糧四柱最易明白林玄除收參差豈無情弊
何得止以造冊未明爲辭還着從公研覈不得庇
徇周士樸前參後避今又合辭申雪是否確見着
另行回奏欽此

再覆餉司林玄冊籍偶誤疏

題爲錢糧收除有道閱冊疑義可駭謹據冊摘述
仰質

聖鑒事該戶科抄出該臣部題前事覈覆山海餉司
林玄崇禎三年七月分餉冊收除錢糧緣繇本
年四月二十七日奉

聖旨錢糧四柱最易明白林玄除收參差豈無情弊
何得止以造冊未明爲辭還從從公研覈不得庇
徇周士樸前叅後避今又合詞申雪是否確見着

另行回奏欽此欽遵抄出到部查得林玄七月餉冊收除不明以致新餉侍郎周士樸摘述具題駁令本官自行回

奏追林玄遵

旨回奏奉

旨下部覆覈臣等未敢以臆決也咨行山永巡撫丘禾嘉備查前來猶未敢遽信復發堂諭遴委司屬郎中張鵬翀等六員公同磨勘內諭開山海餉司林玄支銷餉冊錢糧內有一萬二千餘兩

開銷未明致蒙右堂駁查具題

下部雖經移文關永撫院查來似尚未甚明晰夫兵
餉至一萬二千餘兩若果開銷混淆罪胡可貸
而司計者代爲扶同是不忠之大者豈可容於
聖明之世乎若止造冊差訛原無染指其間則又不
敢以人之身家功名冥冥決事也然其始末總
撒總不出於原冊之內合行多委司官將山海
餉司原來文冊公同查勘曰是曰非矢心

天日如錢糧果有短少卽當速行摘發明正其罪如果

無弊亦當亟爲昭雪毋得含糊兩可

天地在上鬼神在旁本部與各司屬皆着一毫愛憎不得完日開具勘明緣繇仍取具連名甘結以憑
入

告等因隨據郎中張鵬翀等公同具呈回復內稱職等查得餉司林玄七八月分管收除在銀兩數目俱打筭明白其所可疑者不過七月分扣存一項止實開除五百餘兩乃將一萬二千一百餘兩俱作開除是七月分委分開一萬二千一

百餘兩矣然八月分新收後收入此項則多開
於七月者多收於八月開除之銀仍有差落止
爭七八月分造冊之顛倒耳職等復疑名雖開
除扣存之銀而實開除管收之銀恐有藉端混
開情弊及查本官八月以後冊及接管餉司劉
孔敬冊將扣存銀兩俱作開除始悟扣存之銀
卽於管收之中扣出得名非在管收之外也特
別月扣存扣出另有開銷乃實開銷也七月扣
存扣出仍未開銷故七月旣開而八月仍收也

友復推求本官造冊偶誤錢糧不差之故正自
了然葛藤可立斷矣等因回復到部臣等方始
據覈題覆今奉還着從公研覈之

其除臣同官周士樸另行回

奏外臣等復加研覈看得林玄七八月分收支之
數別無疑竇止七月分開除內有一萬二千一
百餘兩原未開銷而謬作開除臣始閱至此亦
頗疑之及閱至八月新收款內前銀又經收入
則七月開除之銀始有着落祇緣八月

奏報之冊在先七月補造之冊在後既收於八月
自不得不除於七月順數之不免顛倒逆推之
亦自分明四柱之不明在此錢糧之無不明亦
在此也卽欲擬覆復思萬金之餉何等關係萬
一識見不到誤被朦朧罪可勝誅尋復行查關
撫而關撫之回咨與臣見同也又復委查六司
而六司之推筭與臣見同也於是質之臣同官
周士樸亦始疑終信與臣之見無以異也蓋同
官周士樸職在覈餉一字之疑必以入

告自是其詳其慎味其原疏亦云無放輒銷本官或
自有說請

勅自行回

奏原未嘗參其有何情弊也卽臣等謂其冊籍偶
誤者亦原諒其顛倒有因非故行混淆也特以
錢糧之事難以寬假故議罰俸三月不得不爲
法受過耳如有情弊屢經中外諸臣逐一推敲
誰肯舍其身家性命以徇人者而委曲扶同亦
臣同官周士樸之所不任受矣原冊兩經錄呈

薦鑒伏乞

聖明垂鑒施行

崇禎五年五月初七日具

題本月十二日奉

聖旨知道了林玄姑着罰俸五月造冊書役着該撫
提究欽此

回奏知府曾
歷履偶誤疏

奏爲微臣勿遽
我誤謹據實奏明乞

恩認罪事先該臣部題爲微臣離任四年輕齎株連
忽及等事內覆武進縣侵欺錢糧將原任常州
府知府曾櫻武進縣知縣羅華袞各降級緣繇
本年六月初七日奉

聖旨錢糧考成例屬該部至以侵欠議處事關官評
應聽考功羅華袞等還着同吏部確議奏奪其侵
沒銀兩脫逃各犯依議責成見任各官勘追嚴緝

勒限完解違者叅治曾櫻是否告病回籍着該司
官奏明欽此欽遵抄出到部臣捧誦

明綸不覺爽然自失夫六曹分職臣豈不念考成事
歸臣部官評應聽考功敢以司計之身而越銓
衡之俎第因錢糧侵欠上損

國課前

旨着分別議處原未奉有會同吏部字樣故寧嫌怨
弗避無敢推諉卽行冒昧覈奏耳除卽移咨吏
部見今會同確議另奏外至於曾櫻告病回籍

一節備查當日雲南司案呈於曾櫻羅華亥俱
量擬罰俸薄懲且詞多輕婉臣以事關錢糧恐
非

皇上議處垂戒之深意不欲漫徇中間多所點竄改
定議將二臣各降二級以爲覺察不早出納不
慎之戒忽憶崇禎二年十月曾櫻已經回籍原
係守制臣悞以爲告病不知於四年十二月已
起補福建按察司副使矣事在吏部且屬遠省
藩臬臣未及知第據其向實回籍遂謂於起補

日降職二級殊不自知其悞也臣所失者在以
守制認爲告病以起補仍稱回籍緣前後之記
憶未真致曾櫻之出處失實總在失咨吏部未
究顛末夫誠何所辭咎哉若此事而委係該司
臣斷不敢曲爲徇庇以虧率屬之義今旣出自
臣手臣亦何敢妄爲諉卸以貽分過之譏臣祇
有席藁待

譴而已乃臣於此而竊有感也夫人神王則百千之
管攝俱周氣衰則咫尺之疎舛立見曾櫻在籍

與否雖係日久偶誤實因繁冗之際匆遽具疏
不復詳核致有差謬詎非蒲柳之質不能每事
精核之一驗哉臣滋懼且愧矣既奉

明旨致詰臣不敢徒令司官回奏益重臣罪謹據

上

聞以盡臣子勿欺之誼伏乞

皇上鑒察失繇於踈過非其遂仰微

寬宥之恩則臣愚幸甚矣臣不勝惶悚待

命之至

崇禎五年六月十四日具

奏本月十七日奉

聖旨議處官員豈得不查履歷輕率入告明係司官
朦誤還着自行回奏卿不必代爲引咎該部知道
欽此

覆管闡缺額扣糧還倉疏

題爲春操已歇直述選練情形以俟

聖鑒事崇禎五年五月十三日戶科抄出暫署協理
京營戎政兵部左侍郎楊一鵬題前事內稱計
六副將所練二萬四千人內有選鋒五千餘名
皆食雙糧壯丁二千餘名食一石五斗此二項
應無辭于勞勩其餘一萬六千餘名皆遴選各
營每月食糧一石之軍且此一石糧有票見錢
有季見錢種種陋規實到軍士之手不過五六

斗耳一身着役入口待哺卽卯入辰散猶若踈
足不能少待焉臣竊以爲同一戰兵同一操演
食糧不應懸殊若此今縱不能比照選鋒亦當
企及壯丁大約需糧九萬餘石此時司計攢眉
糧於何措查軍選歷年倉扣不少自製籤以後
杜絕七十八衛所隱冒之弊糧之扣存亦復不
少兼以軍丁係隨衛支米是以給籤關領然據
三大營投到五月分實在軍馬文冊臣細閱之
除選壯在營造冊無庸給籤外軍丁原額九萬

三百八十一名令實在止八萬二千一十九名
缺額八千三百六十二名則存糧亦當有八十
三百六十二石一月如許以一歲計之實存糧
十萬三百四十四石或有事故開伍或有冒名
虛耗是在有心計下糧廳極力清出以濟窮軍
亦一不費之惠也營軍糧薄應免改折而馬料
尤不宜折色臣入營馬軍訴缺糧四月矣安望
其飽騰乎等因具題奉

聖旨營務廢弛皆繇將領各官侵削多端養練無法

據奏戰兵內月糧一石較選壯已薄復有票率等
項陋規實惠幾何馬軍缺糧日久何故不給軍額
懸缺數多何故不補歲扣存糧約十萬餘石收歸
何處有無報官犒賞原資鼓練公費既已半耗中
軍又復侵肥至于扣賞抵欠尤屬不法且管庫槩
無查盤錢糧任意朋染是何典制材官例應公選
何得徇私濫用種種朦朧情弊總提何無清釐巡
視何無糾舉官守安在楊一鵬循職陳言留貲充
賞具見八旗本內核冒加糧公選查盤等事俱着

逐項核奏其嘗守仁李復陽童仲慄楊弘吉倪寵
楊應奎一併查明議處額軍存糧着下糧廳官奏
明該衙門知道欽此欽遵隨該臣等查得細閱協
理疏開三大營軍丁原額九萬三百八十一名
今實在八萬二千一十九名缺額八千三百六
十二名則存糧亦當有八千三百六十二名及
查下糧廳各衙所投存五月分平頭冊內開載
除官吏婦女襍役等項外見食糧管操祖募軍
共八萬八千八十五名管操新兵共二千七百

七名通計九萬七百九十二名較之協理所屬
原額之數已溢四百一十一名比對數目互異
其中不無隱冒但下糧廳所司惟知按冊給糧
軍之操與不操無繇而知令行會查爲此合咨
協理衙門煩爲備查三大營軍額九萬三百八
十一名係據何年月軍數今止實在八萬二千
一十九名要見某營某營各實在若干其缺糧
之故原起于何年月中間月糧有無侵冒情弊
希爲查明咨示以憑回

奏去後隨該協理衙門回咨內稱查得原題之數
係三大營掇到五月分文冊而缺額之故已嚴
限催取掇到但缺額內有充部標充火器營軍
士此二項見在京營操練食糧乃各營拔去而
空名仍存於各營則不應作於缺糧之內其回
衛等項既作營操安得食糧筭於京營之中此
項當筭京營缺糧者也今將缺額文冊原題實
數文冊一併封送爲此合咨煩照咨冊事理逐
項磨對明白回

奏等因准此又該臣部備行福建等司及太倉銀庫與巡青科院詳查京營馬匹本折料草何日給發續據管理銀庫員外郎劉彥回稱三大營崇禎五年正月分料草銀一萬一千一十兩零於五月十六日委官鄒應登等領去訖又准巡青科道馬思理等回稱三大營崇禎五年二月分料價銀六千五百九十二兩零於五月十七日委官劉應嘗等領去訖又據京五草場監督江之遠王淪初回稱三大營崇禎五年三月分

本色草束於五月內給放訖又據錢法局主事
高鳳翔回稱三大營三月分馬乾例支

制錢蒙本部批舊例三大營馬乾每月僅一萬一千
餘兩耳乃三月分突增至一萬六千餘兩仍移
文駁查問隨准管理銀庫員外郎劉彥手本會
取

制錢七百四十七萬四千四百三十六文值銀一萬
一千四百九十九兩一錢三分二釐四毫四絲
四忽於六月初一日給發三大營委官孟會真

等領去訖尚欠

制錢三百五十萬文值銀五千三百八十四兩六錢
二分六釐八毫八絲六忽續准協理衙門覆查
無異委係新增馬匹陸續幫支之數見在找給
等因又據新任下糧廳員外郎孫陞呈稱本廳
職掌驗糧姑以其槩陳之如各營副叅遊佐等
官養贍家丁尖哨口糧俱繇京營總協督捕各
衙門批准明文到廳然後驗收各衛所指揮千
百戶等官及優養婦女繇五府兵部給有劄付

然後驗收各倉場官攢繇吏部給有叅票又有
京通二糧廳手本然後驗收管操募軍先繇總
協衙門批准告補續該京營科道并驗軍廳齊
集射所會驗各軍膂力武藝當堂給票然後驗
收巡軍祖軍襍役等軍先繇職方司并督捕廳
據各告補查對軍冊是實取具該衛本管千百
戶結狀方行給票本軍仍赴驗軍廳驗准方投
職廳驗收守衛紅盔等軍先繇兵部車駕司給
有糧票然後驗收各監局匠役繇工部清匠司

給有手本投廳然後驗收光祿寺太常寺厨役
繇禮部等衙門割付又有廣西司付文并典簿
廳手本然後驗收錦衣衛旗較力軍繇本衛堂
帖及兵部車駕等司并驗軍廳驗准然後驗收
以上各員役仍取具各衙門印信手本備開頂
補名缺年月遵照

欽定日期每月初八初十十二等日赴廳投驗本廳
查平頭開除姓名相符方准收糧卽日當堂發
文各員役仍賁回該衙門收造名糧例于每月

十七日投平頭文冊查對新收開除事故衛分
數目磨勘無差然後照數坐糧是驗糧雖係職
廳必先繇經管衙門查確而後職廳驗經管衙
門信票耳至於各軍事故該管移文該衛作缺
開糧一面呈報驗軍廳查覈復移職廳互查或
坐糧先期難以見月扣米是以有臨倉扣除之
例衛官先赴該倉監督遞有倉扣本倉官攢出
有倉收該管乃執倉收赴京畿道查刷于次月
平頭開除蓋因坐糧在先事故在後將米扣存

在倉職廳隨覈實在數目其事故軍糧後卽不行坐給非軍故于二十餘年之前與一二年之後而每月猶坐軍糧仍扣存于倉也等因各到部相應具覆該臣等看得

京師軍儲有限管衛供億無窮臣部備查今日官軍匠役食糧之數共計二十五萬一千八百有奇視之萬曆四十六年所浮已近三萬是每歲已增米三十餘萬石矣臣部誠惴惴焉懼一歲之所入不足供一歲之所出也今署協理楊一

鵬之疏則謂三大營軍丁原額九萬三百八十一名今實在止八萬二千一十九名缺額八千三百六十二名則存糧亦當有八千三百六十二石欲求增爲戰兵之用及查臣部各衛所掇到五月分平頭冊見在食糧營操祖募軍共八萬八千八十五名又新兵二千七百七名通計九萬七百九十二名較之協臣所題原額之數已溢四百一十一名數目互異移咨詢問續准咨回缺額實數援補回衛二冊前來乃知缺額

諸軍有見充部標者六百七十八名有見充火
器營者二千九十六名以上俱見在管操練卽
協臣回咨亦謂不當在缺糧之內者也有拔入
四衛管操者七百七十二名有改爲

慶陵等陵護衛者六百八十九名此項軍士雖不宜
筭入京營之中然亦未嘗不食原糧而不得輒
以缺論也以上四項共計拔補回衛見在食糧
軍四千二百三十五名若照原額之數尚欠四
千一百二十七名但協臣所稱原額不知起於

何時然查京營選鋒食雙糧者自萬曆五年起
今漸增至一萬五十七名卽萬曆四十六年尚
止八千七百六十名今已較多一千二百九十
七名月計增米一千二百九十七石歲計便增
米一萬五千五百六十石矣京營壯丁食一石
五斗者肇自天啓初年今漸增至七千一百七
十三名月計增米三千五百八十六石歲計便
增米四萬三千三十八石矣及查協臣缺額懸
糧冊內有萬曆三十三等年事故者有天啓元

等年事故者有崇禎元等年事故者俱扣至崇
禎五年四月止共懸糧軍三千一百二十四名
扣筭存糧才一萬三千五百一石槩作在倉存
糧夫事故各軍但據各營衛開報下糧廳隨即
查照開除扣糧在倉原未另貯總督倉糧每季
彙冊報部若未經扣除者必原未開報者耳下
糧廳每月坐糧但據各衛平頭冊并能以意爲
增減也通計營衛及各衙門食糧之數但覺有
增無減且減於此或增於彼而謂食糧尚有餘

地乎先是

皇上因見京營官軍玩愒委靡議增戰兵之額每操合選鋒壯丁共爲二萬四千名欲精較練以備折衝禦侮之用協臣因一軍而二三其糧操同而厚薄頓異故欲覈餘糧以示優卹自是鼓舞振作深心但俱改壯丁增餉不貲似難言之倉庾方匱一增則不可復減臣故鯁鯁然慮其卒也若從今爲始三大營內著爲定額特加清覈再有逃亡事故名缺扣除不補卽以增給戰兵

之糧則便計矣至謂營軍糧薄應免改折一節查在京官軍惟錦衣衛不支折色其餘官軍俱支米折兩月原係

祖制比歲臣部因京倉不敷曾議支折四月新議仍支折三月總之因時酌濟而非敢膠執其間耳營馬料草惟二十兩月舊例支給本色係巡青錢糧餘月俱支折色係太倉錢糧太倉近因鹽課不至外解愆期卽各邊年例槩多壓欠而欲京營馬乾按月支給誠力不贍也查今歲春月已

補發去冬兩月今又發過正二三月矣惟二十
兩月料豆京營欲支本色臣部因召商買辦既
擡高價復多侵漁繫獄累繫追逋不前曾於崇
禎二年夏月與總協會允崇禎三年正月題奉
欽依改給折色十月每石五錢二月每石六錢視尋
常折價四錢者亦自不薄但京軍猶以料貴及
隨手花費爲憂此協臣所以有言也今查

京師七十八衛原有屯豆一項收入太倉其數在
萬石之外近因虜倣頗多蠲免餘亦拖欠未完

此後責成該司會同屯院嚴加追比務於春月
豆貴之時給京營本色馬料一月至於十月仍
支折色或以五錢爲廉不妨量加五分亦所以
示優厚而資飽騰也此事原應下糧廳官查奏
第前奉

旨之日適下糧廳員外郎高鏘物故之時嗣雖題差
員外郎孫陞而事體尚未諳習臣部不得不爲
據實具奏以聽

聖裁者也

崇禎五年六月二十日具

題本月二十五日奉

聖旨選壯一萬七千有餘易弱拔精便當盡入二萬
四千之內如何止用七千又欲分外增糧至原額
之始併見數太懸還着楊一鵬奏明兵旣多缺額
糧廳扣存倉倉歲約若干曾否報部還明白奏來
不得於京營之外通融彙筭以有增無減爲辭欽
此

再奏歷履偶誤不繇司官疏

奏爲再陳偶悞之因非係司官以明臣義勿欺事
崇禎五年六月十八日戶科抄出該臣奏爲微
臣匆遽致悞等事本月十七日奉

聖旨議處官員豈得不查履歷輕率入告明係司官
朦悞還着自行回奏卿不必代爲引咎該部知道
欽此欽遵抄出到部臣捧誦

明綸深感

夫恩除赴鴻臚寺報名

廷謝外然循省始末愈覺踟躇不容不據實再剖
非惜一司官而曲庇之也

聖明飭治首重懲欺臣子致身道先去僞使疏果出
於司官之手臣固不敢輕爲攬承今稿實成於
臣之手臣亦何容輒爲諉卸若上昧

天威而隱默自全欺孰甚焉僞孰甚焉臣幽獨盟心
萬萬不敢蹈此也前者議處原任常州知府曾
櫻臣一時悞記以守制爲告病以起補爲在籍
原稿改竄現存止因字畫潦草不敢上塵

覽耳蓋緣各司題覆疏稿未必盡歸於當經臣等
刪刪定者實多惟是以衰颯之質當匆遽之際
未暇查考致有詿誤其何辭於

譴謫如今司官分過則此後司稿臣不敢點竄一字
而溺職滋甚矣過不在司臣不難於

君父之前直認警尤司若悞事彼又安望於

功令之內巧逃罪責臣所爲據實再陳自附於矢
公率屬不欺不僞之大義也見今司官潘永圖

自行回

奏伏望

皇上仍以誥誤譴謫加於微臣之身而無波及司屬
則及躬可以不疚其邀

恩於浩蕩者彌深且厚矣臣無任悚息待

命之至

崇禎五年六月二十六日具

奏本月二十九日奉

聖旨覽奏知卿記憶偶誤以後還宜詳慎不必引咎
該部知道欽此

草場失火席藁待罪疏

奏爲草場災生意外臣部管尤難直謹席藁待罪
仰祈

聖鑒事頃者北新西城二草場於六月十六等日相
繼失火臣等聞變纓冠疾趨赴救焦頭爛額撲
此燎原雖餘梁幸保無恙而芻牧所損已多臣
等業將監督主事江之遠王淪初等照例查叅
次第入

告矣臣等曲突有心銷弭無策連日束躬靜聽

處分近聞監督江之遠王淪初同巡青科道馬思理
高倬及官攢商役俱從

堪治並下

詔獄而臣等獨微

寬政雖荷

皇上垂情敝履曲賜包荒而臣等撫躬循省震懾

大威實覺硯面疚心無地自容竊念今歲買草之役

臣等屢經申飭預請截支惟以早竣厥事用備

軍儲爲快不意適丁三年會商之會新舊觀望

召買有稽又當巡青科道衙門需次更代會收
愆期往歲四五月間率多亢暘今歲偏值多雨
會收上梁之期并未報部臣等不能料其陰晴
但五月中旬以後適遭陰雨連綿鎮日滂沱則
需濡滲漏自所不免乃監督官攢人等徒知焚
如之性逢燥則災祝融之燄遇水易滅祇以濕
漏爲憂未爲蘊隆作計敢謂鬱攸告變實繇人
謀不臧蓋陰陽相尅之理千古不移而水火互
薄之機片時叵測誠共狃尋常之已事而未解

候至之奇變也逮醞釀既成則轉徙爲難而撲滅不易嗟何及矣臣等總持財賦遵循舊章各處草場不過時嚴譏察防範之文時考完欠收放之數以爲各有司存可保無虞而如此非常變態非匍匐救焚足跡及場亦烏繇而知之哉雖事有專職而總歸臣部倉場之事皆臣事也監督等官皆臣屬也臣等叨爲計部之長不能督率臣屬克愆厥事蓋藏無法旣誤於先撲救不時又失於後庸碌徒糜智慮未周溺曠之辜

百口奚文至在監督職掌所關自難逃於疎虞
之咎若巡青馬思理高倬二臣統轄頗廣受事
方新一則任僅踰月一則任僅旬日雖有清釐
之心難奏周防之効茲奉

譴訶似屬波累想在

聖明自有洞照而非臣等敢代爲饒舌者也伏祈
皇上俯賜鑒督先斥臣等以爲率屬無能之戒庶法
之所行先自臣等大僚始臣等卽爲法受過固
怡然甘之矣臣等何勝席藁待罪惶悚戰慄之

至

崇禎五年六月二十八日具

奏七月初二日奉

聖旨已有旨了部務殷煩卿等提挈大綱但須飭屬
勤職不必引咎該部知道欽此

查議舊餉雜項考成疏

題爲舊餉入數原訕時勢復益其窮謹備陳目前
艱難之狀并預籌接濟通融之策仰祈

聖裁事先該戶科抄出該臣部題爲懇發京運銀兩
以濟軍饑以便勦寇事題覆宣大山西給發年
例緣繇崇禎五年六月十五日奉

聖旨這餉銀依議借給著刻日解發其鹽課外解未
到的著嚴檄督催違玩者叅來處治邊警方殷該
部還宜詳籌預計以濟急需不得漫無經畫但以

那移爲長策欽此欽遵臣等捧誦

明綸皇悚無已除宣大山西軍餉卽時那借解祭外
竊照舊餉之一出一入有成數焉入不能取盈
出不能縮額也每年自輕資漕折之外歲出爲
京支邊支者共該銀三百九十七萬八千二百
五十八兩零歲入原額如京邊鹽課駐罰等項
及議補缺額如汰冗會議賦役等項共計銀三
百八十六萬六千五百二兩零其入不敷出者
尚缺一十一萬一千七百五十六兩零已經備

列于舊餉出入大數疏中悉蒙

聖鑒茲不敢贅矣臣等日夜皇皇相對錯愕方追念已虧之數欲補無籌尚幾幸外解之來如額勿缺猶得牽前補後支持旦夕詎料萬難措手之時忽有意外禰出之症若不預計熟籌如

聖旨所謂漫無經畫者此日束手無濟將來噬臍何及用是瀝血披陳謹述目前艱難之槩仰瀆

宸聽凡九邊所出悉賴四方所入查各省直歲解爲數獨多且近而易致者莫如山東總計該省京

邊汰冗等項額解共銀五十五萬四千四百餘兩邇以叛賊猖獗齊魯剝膚當茲寇在門庭情同風鶴臣部催督不前坐令五十餘萬金錢填成畫餅舊餉歲入幾何能堪此大缺陷乎此一難也兩淮舊課六十七萬三千三百餘兩原議每季一解以濟軍饑屈指今歲閱兩季矣催頽几禿解報杳然或商困而輸納不前或供新而舊課日縮事在彼中皆不可問并山東運司舊課五萬三千三百餘兩亦因登萊蹂躪半屬烏

有夫塩課居造餉三分之一其能堪此又虧延
乎此二難也。各鎮餉司缺曠節省之數皆部發
額餉之所留也。歷來凡有節省報到卽照數扣
抵年例臣部入數所缺之額稍藉以補不逮通
來各鎮督撫多請留爲買馬製器之用甚至與
臣部爲難如取諸寄而臣部反不得伸其職掌
以竊餘潤旁漏如此餉安得不虧此三難也。夫
以百萬而並失望于一時三難而忽湊聚于今
日逢年之想已不能得之三秋無米之炊亦安

能責之巧婦遂致薊密永昌易五鎮原題無
一發今越兩月餘無可發也宜大延寧等鎮原
題每季一發今夏季已終無可發也緣一季中
合筭京支邊支須得百萬乃能分給自山東額
解無望並淮課季解不前兩者虧缺太甚縱外
解偶至亦寥寥晨星何從設措此皆五日

奏報屢呈

御前可一覽而瞭然者也臣等每一思維神魂弗守
寢食俱忘除東省舊餉臣部另疏題催淮課近

報有三十餘萬見在登冊未卜抵京何日已差
官守催訖此外預計何術詳籌何方疾呼可虞
供億宜脩乃於千思萬想之中不得不爲挹注
權宜之着查得新餉搜括欸中有原係舊餉分
內而今仍當移爲舊餉用者凡得四項如科臣
汪始亨酌盈濟虛一疏條議屯田照民田起科
該臣部題覆據各省直開報共得銀十餘萬兩
今爲舊餉用者十一爲新餉用者什九中間有
三四年分起科不同槩未起解但屯田原

舊餉似當歸入舊餉者也。如萊州原任守備
邦禎條議民屯故絕官軍錢糧據各省直開
除留用外共得銀六萬餘兩雖從遼事起見措
爲新餉之用但中間有三四五年分起科不同
多未起解亦當歸入舊餉者也。河南永城唐縣
裕州內鄉息縣五處每畝九釐新餉徵派久矣
後乃稱苦稱累至崇禎三年撫按具題減免九
分之三共減派銀二萬三千六百一十四兩六
錢四分四釐而以賦役全書裁汰之銀補之夫

此五邑者若果災疫自當於新加三釐內量減
何必議補卽云新餉應補亦宜別有設處何得
取之賦役所當行文該布政司另行搜括抵補
其賦役裁汰仍應歸之舊餉者也兩淮黔塩每
年五萬引課銀六萬五千兩先是塩臣以爲不
可行繼而楚黔督撫皆以爲可行雖將來通塞
不可知目下已著爲定額矣夫淮課新餉業已
增至六十一萬八千五百九十餘兩則此黔塩
一項自五年爲始改歸舊餉亦可少爲補濟

也。蓋新餉告急，普天同憤，自不得不爲新餉。處今新餉較舊餉稍堪支持，又不得不就新餉。款目中擇其不碍于出入大數者，稍爲淘汰，以益移資。舊餉俾新舊二餉有相成而無相戾，亦便計也。有原屬舊餉而細數未清，考成未立，人情視爲可完可欠之物，未能如期徵解，急當附入考成者，凡得四項，如裁汰冗官冗役之議，創於御史馬如蛟等，而臣部題覆通行省直，共銀一十三萬三千一百六十六兩零，此舊餉款。

也。如崇禎二年、臣部因舊餉匱乏、請

旨會議、共得二十款、通行省直、共報銀二十萬二千一百四十六兩零、此亦舊餉款也。賦役全書內裁汰銀兩、創始於科臣劉安行、臺臣劉士禎、臣部催取省直全書到部、該左侍郎康新民、督同司官通行磨勘、共得銀三十九萬一千九百六十兩零、此亦舊餉款也。三項搜括未久、省直迄未認定、且汰冗混於賦役之中、會議內有南馬協濟、近歸兵部、以此俱無清數、是宜勒令撫按

責成司府速行查明承認具冊報部確有虧空
每遇歲終臣部照新餉雜項例附入京邊之內
一體考成叅罰乃可實作人數耳至於各省直
撫按贓罰歲該銀十萬二千七百五十兩四錢
往往以差滿候代積累空月爲詞臣部前已具
題擬照鈔關事例論年不論差雖在候代俱作
實歷前人所通後人帶補夫諸臣方以捐助之
舉自効急公乃獨於額內而前後互諉竟至落
空耶臣部每遇年終通行臚列完欠數目上

聞則多寡完欠之相形而榮辱生焉人之欲善誰不
如我自躍躍爭先矣。有原係臣部舊餉欸內而
誤解兵部今當亟還者一項。班軍隸之兵部然
折半充餉則屬之臣部。此崇禎二年會議題奉
明旨者也。今查班軍折銀南直山東連年有誤解兵
部者三萬餘兩。兵部見收在庫。臣等曾與樞臣
面請之矣。其已收者仍當發還。臣部充餉。此後
有混解者萬勿混收。斯足彰信會議之

明旨且亦同舟共濟之佳事也。若夫諸項接濟之外

更議通融者一項蓋舊餉至今一缺再缺如水
已無源流安從濟而邊鎮額餉豈能終懸查得
崇禎四年正月內

皇上洞見舊餉之窮

慨允於輕賚銀內每歲動支十萬兩以補邊餉缺額
乃四年止得五萬兩五年止得七萬兩近日雖
有那借仍當補還緣新有每年米折三月之說
故不敢仍執原額但東省缺餉適值其窮似當
仍行照數支用以濟危急此外遇有贏餘仍許

權宜通那以待補還如三月米折不敷不妨別
有區畫且新餉所借去者亦可次第湊補是亦
山盡水窮時一線路俾臣等不至持鉢無門
者也臣等披瀝至此總爲時事倥傯額鮮絕望
情面難顧苦心調停聊爲補衲綴衣淘沙揀粒
之計卽不敢謂如取如携庶不致如

明旨所云慢無經畫者非敢徒勤呼籲而已伏乞
皇上垂憐目前艱難之狀

持賜俯俞暫爲接濟通融以待東省之清平與鹽課

之飛輓但求無誤軍

國大計則九邊之福而臣等之幸也臣等無任惶

悚籲

請之至

崇禎五年七月初八日具

題本月初十日奉

聖旨舊餉係從來定額如何輒稱不敷新餉有餘屢
旨着積存以備大用豈得僅供紆急漫議改那本
內考成各項依議飭行其搜括欵中稱原係舊餉

分內是何說還着奏明候奪折班銀是否悞解着
兵部具奏輕賚銀姑准支用仍卽補還該部還當
清逋釐溷務期出入相符轉輸不匱毋得但思權
宜有妨長計欽此

再剖三年豆折存積扣除疏

題爲再剖三年豆折存積之虛并酌議向後扣除
奏繳之例以祈

聖裁事該臣部題爲遵

旨明白自行回

奏事覆關外豆折緣繇本年七月十三日奉

聖旨豆折一項三年節存便有二十二萬餘金其他
豈無減省至蠲免題留行鹽等項亦可歲計所出
何嘗日溢况槩稱通融補湊錢糧頭緒何繇清楚

前有旨着積贏餘以備大用何乃有缺卽呼有存
不報着該司官回將話來欽此欽遵除司官卽中
張鵬翀另疏回

奏外臣竊惟錢糧一出一入頭緒原期清楚臣部
計出計入款項亦須相當不足則請諸

皇上有餘則還諸

皇上誰敢不冰兢從事者卽如寧遠鎮三四年豆
折二十二萬餘兩未發卽爲扣存扣存卽應

奏報

皇上之所求于臣部者固理之正也然扣者扣之入
額所有不能扣之入額所無存者存諸出額所
餘不能存諸出額所縮則臣等請再一合盤通
笑之憶二年已巳臣部屈指新餉大數出浮于
入缺額至一百二十餘萬因將省直雜項再四
駁查始有定額出入差足相當乃甫行申飭而
虜薄城下百費鱗集矣三年防援蝟集行月冗
支出浮于入尚缺額一百六十萬臣又仰請

睿斷權宜加派每畝三釐議扣生員優免僅可支撐

是三年亦無可扣存也四年六月以前援兵悉如其舊六月以後

皇上深惟冗濫議將防援兵將可撤者撤可併者併臣部仰奉

寬裕而壓欠兵餉俱改見月未免大費支吾以至秦晉滇黔齊魯之間相繼蠲留所費益復不貲是四年亦無可扣存也且當軍興窘迫之時臣等不難大聲疾呼亦賴

皇上有呼卽應不一而足通計三年正月九月十一

月三次共借過

內帑太倉輕齋等銀四十一萬四年四月七月兩次共借過老庫輕齋漕折京糧太僕光祿等銀三十五萬真是剜肉醫瘡原非四應立辦而欲絕無通融其將能乎五年春月經制既定雖意外增費頗亦難料而出入相準似有贏餘故臣部開具出入大數奉有

明旨積存贏餘以備大用然亦須俟歲終打筭未敢懸爲畫定且亦不能預扣於未奉

明旨之前也何也凡錢糧實在貯庫方可言扣存
敢以入

告新庫五日一

奏報歲終一

奏繳歷歷

御前有存無存何能欺我

皇上無存而虛作扣無論臣部之涉於罔

皇上亦安取此紙上之虛數爲者且三四年原借銀

兩除補還外仍有輕齎漕折尙未盡還則其應

存之數寡矣臣部不敢以預計不廢者博節省
之名而那緩以就急那虛以應實但求新庫錢
糧實有着落邊鎮經費幸無虧延而止實不暇
虛爲扣存以致

明旨之詰問則臣部一時之疎漏也儻自今以往災
祲無聞寇亂就息請自五年爲始於歲終月餉
通完日明開已題未發銀若干如果存庫卽貯
以待大用歲以爲管若必欲邇求三四兩年應
存之數則有三四兩年省直尙欠新餉加派襍

項銀共六十餘萬兩俱積逋難完之數亦可虛
作扣存有完解者分別另貯或亦可仰副

皇上積餘備用之至計也至於臣部向來一應錢糧
止報已發不報未發沿習日久今經

皇上一番詰問如夢斯覺臣部繇此申飭率屬以幸
無罪則又非該司官所能創例徑行者矣伏惟
聖明鑒容策勵焉臣等曷勝悚仄待

命之至

崇禎五年七月十九日具

題本月二十五日奉

聖旨前部具出入大數原有贏餘即使緩急那移亦
須明白開報如豆折一項抵充何用頭緒既易清
楚邊臣糜節亦自了然何得一槩溷朦豈大臣飭
屬裕儲之誼以後俱着歲終詳開出入原額及溢
存一項具奏其三四年省直積逋催解另貯庫議
行欽此

查奏三四兩年新餉司官疏

題爲遵

旨具奏三四兩年新餉司官并陳三四兩年無可扣
報之繇以祈

聖鑒事崇禎五年七月二十五日該臣部新餉司官
張鵬紳爲遵

旨回話事奉

聖旨今歲豆折既有減數張鵬紳何故朦朧不報念
受事日淺錢糧尚未算結姑降二級管事前時經

管各官着查明具奏戶部知道欽此查三年分經
管官則見任浙江水利叅議薛邦瑞四年經管
官則交代出司添註山東司郎中劉鎬也先該
臣等題爲再剖三年豆折存積之虛等事奉

聖旨前部具出入大數原有贏餘即使緩急那移亦
須明白開報如豆折一項抵充何用頭緒既易清
楚邊臣糜節亦自了然何得一槩溷朦豈大臣飭
屬裕儲之誼以後俱着歲終詳開出入原額及溢
存二項具奏其三四年省直積逋催解另貯依議

行欽此臣等捧誦

明綸感悚無已是三四兩年缺額與催逋另貯之末
議已荷

睿照但諄切于五年以後歲終詳開溢存一項臣部
將來奉行可幸無過矣乃三四兩年經管官不
報減發之故實非有心朦玩者凡錢糧發而不
當則有罪發而不報則有罪豆折未發不報卽
臣等之愚亦慮不到此何也臣部奉行者例例
卽

明旨頒布而成者也司官遵守者案案卽照例沿襲
爲故者也自有遼事以來各鎮額餉減發頗歷
不少通無另報未發之案卽

皇上御極以後綜核錢穀纖悉無遺臣部僅於四年
七月內奉有助餉銀該庫另貯奏明支用之

旨四年十月內奉有關寧損失存剩銀該鎮另貯支
用之

旨內外餉司罔不恪遵而且折減發歲終具奏之
旨實自今日始在

聖主固筭周意表而臣部實見拘成案故薛邦瑞視
乎前官劉鎬視乎薛邦瑞不能創例另報耳然
此猶以例言也使問之新餉庫每年實有存剩
八萬兩可作另貯卽例無可報亦不妨舉以入
告稍示臣部歲終節省之微勞乃三年分出溢于入
近二百萬兩四年分雖蒙

皇上嘉意節約尚自出溢于入六十餘萬兩以上溢
出銀數皆取足額借與三年預徵四年四年預
徵五年者省直兩年拖欠雖極力督催一毫無

逋尚不足補還那借壓透之額臣部前疏稱僅
完另貯者蓋萬不得已仰體

皇上另貯大用之長慮寧委曲搜那以償前件而不
敢不勉強分別積存以稱

明旨非三四年果尚有餘額也

明旨謂臣部前具出入大數尚有盈餘蓋指五年春
月經制既定而言使五年以後出入既不相浮
另貯又奉

新命而歲終再不詳開溢存者毋論司官難追溺職

之罪卽臣等亦無以塞率屬之責矣若前此三
四兩年經管官在庫旣無存剩可報之銀上手
又無減發當報之案似難與五年以棧例論者
況邦瑞叙陞未久積勞猶著劉鎬屢經討治淹
滯堪憐恕已往而勸方來想亦

聖明所洞鑒者而非臣等敢故爲曲庇也

崇禎五年八月十二日具

題十月十六日奉

聖旨錢糧多發告艱減存不報明係司庾朦溷積習

何得以出浮于入向無報例代爲寬解薛邦瑞
鎬着各降二級照舊督事欽此

再議搜括屯塩賦後四款改歸舊餉疏

題爲遵

旨具奏事戶科抄出該臣等題爲舊餉入數原訛等
事內備陳目前艱難之狀并預籌接濟通融之
策查得新餉搜括款中有原係舊餉分內而今
仍當移爲舊餉用者凡得四項如科臣汪始亨
酌盈濟虛一疏條議屯田照民田起科據各省
直開報共得銀十餘萬兩如萊州原任守備楚
邦禎條議民屯故絕官軍錢糧據各省直開報

除留用外共得銀陸萬餘兩如河南永城唐縣
裕州內鄉息縣五處每畝九釐新餉撫按具題
減免九分之三共減派銀二萬三千六百一十
四兩六錢四分四釐而以賦役全書裁汰之銀
補之如兩淮黔塩每年五萬引課銀六萬五千
兩今新餉較舊餉稍堪支持又不得不就新餉
款目中擇其不碍于出入大數者稍爲淘汰哀
益移資舊餉俾新舊二餉有相成而無相戾亦
便計也等因崇禎五年七月初十日奉

聖旨舊餉係從來定額如何輒稱不敷新餉有餘屢
旨着積存以備大用豈得僅供紓急漫議改那在
內考成各項依議飭行其搜括款中稱原係舊餉
分內是何說還着奏明候奪折班銀是否悞解着
兵部具奏輕賫銀姑准支用仍卽補還該部還當
清逋釐混務期出入相符轉輸不匱毋得但思權
宜有妨長計欽此欽遵抄出到部除考成各項隨
經行文各省直申飭其折班咨行兵部具奏輕
賫移文總倉支用外所有搜括款中原係舊餉

四款擬合遵

旨奏明臣等恭繹

明綸極深悚息夫出入相符者理財之大道也轉輸
不匱者足食之上策也凜

天語之渙頒洵是長計果出入之不爽何事權宜無
柰當舊餉入數正絀之時忽有東省額解中斷
之苦缺復益缺難上加難臣等處時會之偶遭
遂一籌而莫展雨金無術額

天有門勢不得不舉艱難之狀備陳前疏上瀆

宸聽仰賴

皇上洞見舊餉之絀俯鑒臣等之愚班折悞解着兵部具奏輕賁銀兩准臣部支用暨考成各項俱依議飭行矣惟是搜括四款所稱原係舊餉分內者實爲補缺急需敬遵

明旨再爲敷奏如河南以賦役裁汰抵補新餉一款夫使永城唐縣裕州內鄉息縣五處果屬災癘臣等前疏謂當議減于新加三釐之中若云新餉應補亦當設處于地方別項之內此定理也

而欲移賦役裁汰之二萬三千六百一十四
零以補之是以舊補新以裁汰補減免也舊餉
匱乏何狀其能堪乎此項應還舊餉似不待再
計而決者蓋賦役裁汰原屬議補舊餉缺額分
內物也如科臣汪始亨條議屯田照民田起科
一款共得銀十餘萬兩守備楚邦禎條議民屯
故絕官軍一款共得銀六萬餘兩當遼餉借著
未定之時諸臣各舉所見以爲軍食灌輸之地
今九釐三釐之派已定也新餉出入又已有成

數也

祖制屯田之設原爲邊軍授餐之具移以補舊亦舊餉分內物也。如兩淮黔塩一欸每年計五萬引應得課銀六萬五千兩蓋塩課原係邊餉正供向爲遼事孔棘兩淮新課業已增至六十一萬矣今旣議黔引可行則此六萬五千兩歸補舊課亦舊餉分內物也。凡此四者除賦役裁汰原爲舊餉而設外其屯田二欸因三四五年分起科不同槩未起解黔引一欸方有定議尚未流行

當日雖從遼事起見而今在新餉亦未實得
用坐是不載出入大數之內臣等因其尚無專
屬也故議移以歸舊亦非敢漫議改邪也夫以
舊餉原缺一十一萬益以山東額解偶缺者五
十餘萬卽今設法抵補尚不及三分之一况黔
引劄議方始通塞未可預知而起科屯糧與清
查故絕將來完欠之數尚未可必第涸轍之餉
縱難望掾于西江而有種之株或不至類于
餘臣等無聊之計似不得不出于此若得邀

皇上威靈東省叛賊早行殲定俾該省額解如前而
以此番仰請之欸補從前舊餉之缺永爲遵守
則在今日似屬權宜在異日亦未必非長計也
伏乞

聖明鑒其無碍于新有裨于舊慨

賜允行以救阡危實九邊之福而臣等之幸也

崇禎五年八月十四日具

題本月十八日奉

聖旨據奏搜括四欸中有原係舊額分內且有不載

新餉數內的依議改歸舊餉但裕備法宜畫一今
後還求生節長策不得專恃通融屢滋紛易

餉差已成危地委任宜圖更轍疏

奏爲餉差已成危地委任宜圖更轍伏乞

聖明矜恤已往鼓舞將來事崇禎五年八月十一日
該臣部題爲糧米萬分不堪等事題差密雲新
任餉司趙秉衡緣繇奉

聖旨吏部知道該鎮餉司舊例旣係三年不得紛更
欽此欽遵夫舊例相沿三年一差臣部豈不量
久任責成何苦更代之爲煩也奈人情至此鬱
苦之極每一議差光景不堪聽聞誠有不得不

爲改弦者臣請得而備言之密雲餉司錢穀冠
繁自昔稱勞迫奴虜發難軍興旁午則危矣迫
綵數搜剔見影疑形則更危矣蓋餉司一出納
吏耳一應軍餉始之管冊稽之道號餉司按而
給之衡頭稍有低昂卽冠裳一大不肖若隱冒
侵漁則勢所不能亦所不敢者也近日餉司縲
囚相繼覆轍相尋豈人盡剖腹截趾之愚悍然
觸網無忌哉何置之安地而自全置之危地則
不免也無亦當事摘發熱腸不覺已甚過無巨

細悉從深入白簡之下未免無冤非罰及無罪
卽罰浮於罪矣如密雲先後餉司孫止孝孫士
髦以管冊參差射覆曖昧夫管冊之混自有管
將王靖東楊國威任之至監軍之孫止孝則隔
一層矣至餉司之孫士髦則又隔一層矣在該
道磨覈之偶踈在餉司稽查之無自均坐侵尅
恐止孝不服士髦更不服也二臣拮据虜倣倥
惚之際均有微勞而皆不免於就逮論者惜焉
王忠孝以米糧壓欠爛惡短少吹索猫鼠誠難

辭罪但歷欠亦區別矣有未補之前欠有未放
之新欠有一鎮之全欠有一鎮之偏欠推情而論
餉司不樂稽遲也漕米涉行千里淋雨數旬不
免霉爛自是臨清衛運官陳述職經管已經監
視查叅忠孝未能執法駁懲稍從寬假亦姑息
之過也放米短少自有守支監放等官種種多
手餉司心目所不到之處則誠有之扣剋則莫
須有也臣聞忠孝領到月餉原鞘兌發漕米亦
就廠兌發耗米一槩節省人方許其有清望何

一旦狼狽至此憶昔忠孝註差之時已慮有今日噫果然矣忠孝不怨以監視之叅逮而怨以臣部之差逮也無恠乎迄今奉差者視如湯火卽順序相加解甘任受退恐規避之蒙譴進恐法網之不測不止司屬以此差爲危途臣部亦以此差爲怨府矣然使止碍人情無碍政事臣部甘任怨而不辭夫人情勵志於肩難則亂緣可治盤錯可解灰心於冒險則首尾益熒叢棘益滋故捷予一息肩之期曲引一驅策之路與

久任責成者另一機括也不然人沿一人日沿
一日將邊儲爲逮繫之地未任而精神意氣已
沮喪無餘賢者垂首於旦夕莫必不肖者反藉
口於涇渭不分餉累人人亦累餉究竟何益於
飽騰之效哉故臣前請將密雲餉司改三年爲
一年非爲人情規便乃爲餉務圖成也伏乞
聖慈矜允將已逮者

宏開三面續差者改差一年庶幾感激鼓舞之下人
情兢奮而政事必有改觀矣

崇禎五年八月二十八日具

題九月初三日奉

聖旨餉差原有舊制近復奉旨如何又行紛請奏內
處分各官情罪甚明該部向無糾劾反爲曲飾寬
解是豈飭屬勤公之誼今後還著選擇廉能題任
司餉裕儲奏功朝廷自有優勸欽此

覆邊餉遲發司官量罰疏

題爲軍餉匱乏已極民運勢難再緩懇乞題催以
濟時艱事崇禎五年十月初三日戶科抄出該
臣部題前事本月初二日奉

聖旨邊餉按期給發屢旨嚴飭據稱淮課已經解到
該庫奉有部劄何又遲十日始發顯屬藐玩着查
明經管司官議處吏部知道欽此吏科外抄到部
隨即劄行太倉銀庫卽查大同鎮夏季銀給發
稽遲緣繇逐一查明呈報本部以憑咨會施行

去後隨准吏部咨前事內稱查得疏內經管員
官職名未載無憑議處煩將該庫經管司官職
名并遲發緣繇確查過部等因准此又據管理
太倉銀庫本部廣東清吏司員外郎劉彥呈稱
照得職庫一應給放錢糧惟憑堂劄爲主劄到
之日復候總理科院掛發號給相同始敢按數
會請總理科院于每月一六日開庫之期照劄
給發非職所敢擅專也卷查大同鎮夏季餉銀
本部于六月十六日劄發本部簡較張儉領運

銀六萬兩總理科院號結于本月十七日到庫
彼時因二十一日定放四月米折遂將前項改
限先期于二十日面同總理科院給發訖又八
月初三日劄發委官顧承爵領運銀三萬兩號
結于本月初八日到庫因庫無存貯無可措發
至本月二十四日淮課三十三萬始赴庫寄鞘
尙未有完狀投遞至二十六日又值總理至工
部衙門會收事例銀兩至九月初一日本解完
狀始得投庫本日將解到鹽課銀兩面同科院

給發訖又八月二十七日制發顧承爵找夏發
餉銀二萬一千七百四十八兩零至九月初四
日本委始將號結投遞查係相符初五日隨即
知會總理科院于初六日面同給發訖前件但
憑劄結完狀一到按期允發總理科院督率而
查覈之非職所敢擅自專發亦非職所可容其
稽延也伏乞俯賜疏明一併咨覆吏部施行等
因到部該臣等看得邊鎮錢糧刻不容緩今年
因夏秋雨水阻滯外解絕少兼以監課未到臣

恐給發後時故于鹽課將至之日卽行劄庫該庫自當星速火急乃延近十日始發似屬稽遲然中間情節又不得不一剖白也從來發銀舊規劄到之後又有印結付委官赴總理科院衙門逐處掛號完日方投該庫內查八月二十七日所劄之銀于九月初四日本委方始投結至初六日值總理科院會同放銀之期始照數給發訖是該庫原無徑自支放之權則亦似無有心違玩之咎如果時日耽延臣等當據實核叅

邊餉錢糧何等緊急何等重大而臣等肯爲司
官一狗鼠乎伏乞

皇上念筦庫之微臣事難擅發開會之衙門例難凌
越責雖難追情覺可原謹會同總理戶工兩部
一切出入錢糧事務司禮監太監張彝憲合詞
上

請代乞

勅下吏部酌量減削庶職掌維明而情法兩伸矣臣
等無任悚慄待

命之至

崇禎五年十月初九日具

題本月十一日奉

聖旨邊餉急需部創既發號結何故遲延還着總理
及巡視科道查明掛號日期回奏欽此

其衰真病不能疏

奏爲微臣真衰真病萬不能支懇乞

聖慈蚤賜允放以正首丘以無悞邦計事竊照臣以
至愚極陋承乏主計拮据五載尺寸靡効先是
以衰病乞休者屢矣荷

天恩浩蕩或

切責或

諭留

雷霆雨露總屬生成自今年二月初旬上章

請罷奉有時事艱虞托疾規卸之

旨臣實凜凜

斧鉞雖疾疢之在體惟忍死以撐持每誦古人所稱
鞠躬盡瘁以爲法程今又八月餘矣但臣之所
侍以致身者精神筋力爲

國家宜勞任事耳臣年踰六望七力綿任重百憂
感其中萬事勞其形蓋精神已竭而又竭筋力
已憊而又憊矣然使一豎不深厭幾一息尚存
臣猶未敢恣然言去也不意忽於本月十二十

三日偶感新寒遂發錮疾痰火爲祟寒熱交作
滿面浮腫潰裂成瘡顧十九日猶力疾入

朝二十日猶扶掖進署與臣同官及各司屬商畧
南北之災荒籌計齊豫之軍饟人多見而憐之
臣尚未敢自逸倏而昏暈僵仆半日方甦迄今
一遇風寒痛如刀割手足麻木跬步艱難只得
陞伏私寓延醫調理醫家見臣病危率多望而
卻走大都皆謂心血耗竭虛火壅於上焦脾胃
衰微真氣涸於中局投之涼劑則洞泄投之溫

劑則喘噤言念及此則微臣性命之憂真在頃刻旦暮間耳臣若偃卧一日則廢一日之事務萬緒臣若視事一刻又苦一刻之神眩目迷非乞帷蓋之

特恩聽之反初服而親藥餌必致風燭之偷蔭終至遭禍釁而誤儲賴是

國與身兩無當也為此激切披瀝伏惟

皇上憐臣真衰真病毫無矯飾

立賜允放俾正首丘則

覆幬鴻慈奕世不朽矣日無任惶悚待

命之至

崇禎五年十月二十二日具

奏本月二十四日奉

聖旨卿練習精勤邦計深賴軍興方亟全藉轉輸着
卽出安心視事不得以病陳請致有曠悞丁部知
道欽此

臣病轉深臣職愈重疏

奏爲臣病轉深臣職愈曠再懇

聖慈矜放以全餘生以重

國計事頃臣以真衰真病萬不能支於十月二十
二日具疏乞休二十四日奉

聖旨卿練習精勤邦計深賴軍興方亟全藉轉輸着
卽出安心視事不得以病陳請致有曠悞該部知
道欽此竊念臣猥以愚劣久濫度支譬諸厓

嬴之夫而任烏獲之重不格明矣目今徵調四

出既苦軍儲未克災傷叠見復憂民生告罄
拊心自揣負乘已多而

明綸猶許以練習

天誥且獎以精勤

華衮存加慰留備至犬馬尚知戀

主頂踵何足言酬臣感激涕零除恭設香案扶掖望
闕叩頭外第臣福過災生患症危篤初爲風邪所
襲加以痰火鬱結數日以來神益銷耗狀益決
裂面瘡初雖皸瘃五官尚未盡失今且舌焦唇

破頭面一槩浮腫潰腐膿潰卽欲於榻前批發
日行文移而目無一線之明頭泔泔痛眩不可
忍舉筆而隨以僵暈矣夫陰陽之疹發乎面動
乎形蒸爲瘡毒此衆目所共見非若他症猶可
矯稱粉飾者也臣以桑榆暮景遭此惡疾精神
恍惚藥石靡効如矢楯之舟汎汎無所棲泊又
決非旦夕可望痊安者也

明旨戒臣不得以陳請曠悞而在苒數日其所曠悞
者多矣臣之一身卽令溘先朝露固不足惜其

聖

國出入大計何臣查得

嘉慶朝原任戶部後改吏部尚書李宗延曾以面腫
准令回籍調理臣之疾苦實與相同蓋負薪地
曹臣久汗顏於覆餗而延喘鳴行人且掩口於
懋棧

皇上亦何愛一困頓衰憊之夫而不

予之生還哉伏祈

皇上憐臣萬不得已之情萬不能支之勢一字無餘

成例可援

慨賜允放儻得生入里門使樵夫牧豎知

聖朝不棄四十年簪履之舊臣實

浩蕩之

特恩也若以臣久玷計席茲復成殘廢

隨責斥逐亦所甘心臣病深情迫語無倫次冀惟

皇上矜宥施行臣不勝生死啣結之至

崇禎五年十月二十五日具

奏本月二十七日奉

聖旨軍需正五部務殷煩前旨諭卿已曉着依例
出視事不得再稽該部知道欽此

病已垂危力難再出疏

奏爲微臣病已垂危力難再出謹忍死哀鳴以希
且夕之生以追瘳曠之咎事頃者臣以老病兩
疏乞休嗣於十月二十七日復奉

聖旨軍需正亟部務殷煩前旨諭卿已明著恪遵卽
出視事不得再稽該部知道欽此竊念臣衰病已

極廼

聖恩尚眷留無已臣非木石豈不知感會計至重且
明旨戒不得再稽臣有心胸寧不知懼第臣於床褥

呻吟中再四思維傷痊可有期自當自備以奉
君命如殘喘可續何辭竭蹶以供臣職惟是狗馬之
症與日俱進漸入膏肓茫無起色一切衰憊昏
暈之苦龍鍾潰裂之狀見之駭目聞者傷心已
自分旦晚化爲異物安得不控額以乞

星仁臣卽從今飄然過往亦恐不能生入里門矣况
臣部日行批發文移題覆章奏累累充斥關係
重大稍不經心經目動有舛錯居恒每延見司
屬悉心商確今直僵卧斗室居恒必翻閱卷案

殫慮勞畫今且都付塵封知識昏耗耳目曠廢
國計之煩重如彼而臣病之貼危若此爲是中心
如焚火愈熾而水愈涸遍體沉痾背若芒而坐
若針雖欲勉進藥餌體弱亦萬不能下咽矣

皇上以軍需正亟

詔臣之出而臣則以屏軀當軍需之亟而不得不去
皇上以部務殷煩

詔臣之出而臣則以病體膺部務之殷而不得不去
緣臣待罪五載夙夜撙節仗倆已窮襟肘盡露

前未衰時猶不如人况已衰者甚乎前未衰時猶無寸長况已病之甚乎是留之因頌

皇上簪履之

洪恩而於臣積有丘山之憾負罪滋深放之實感

皇上帷蓋之大慈而使臣得偷旦夕之生戴德何極臣所爲忍死哀鳴者言止此矣伏祈

皇上速簡精力強固才幹優長大臣主持邦計或採近日兵科患病辭職先行委署將臣

立賜罷斥以爲庸老衰病不堪重任之戒微臣大馬

之報願矢於天世矣臣無任惶悚待

命之至

崇禎五年十月二十九日具

奏十一月初三日奉

聖旨大臣宜以君命國事爲重卿素著勤恪何得不
遵屢旨尚爾托陳着卽出視事勿再稽延了部知
道欽此

臣病千真叩真絕無矯飾疏

奏爲臣病千真萬真絕無矯飾恭承

明旨督責不勝惶懼再祈

賜假調理徐圖進止事該臣自嚴於本年十月二十九日具奏爲微臣病已垂危力難再出謹恐死哀鳴以希旦夕之生以追深曠之咎事十一月初三日奉

聖旨大臣宜以君命國事爲重卿素着勤恪何得不遵屢旨尚爾托陳着卽出視事勿再稽延該部知

道欽此竊念

君恩至重頂踵難酬

國計紛紜時刻難誤臣叨冒

四朝養義馳驅四十載風塵勿欺二字歷終身如一

且豈今日敢有托陳媚茲一念亦終身如一日
豈今日遂甘愬然祇以忍死須臾之身無能仰

佐

廟謨萬一匪漫附於知止知足實深懼夫負

國負

君是用頻灑血誠待瞑里門耳茲荷

聖明責以不遵屢旨

諭以勿再稽延臣誠悚惕

天威措身無地柰臣景入桑榆數復屯蹇旬日以來
延請醫官傅懋光等內外交攻標本禱治以藥
餌代梁肉以扶掖爲步履深欲幾幸損疾之吉
而終不可得也間遇緊急公移章奏或召書胥
直入臥內僉押用印唾涕污穢面目瘡毒惡疾
難掩醜態畢露時而昏暈如醉時而切齒忍痛

支離自憐、塗面不堪、一豎旣已爲祟、五官因而
不靈、似此萬分沉痼之夫、豈堪尚擔會計之重、
臣雖欲力疾視事、仰答

君恩、而天若限之人、且柰何爲此萬不得已、仰丐

皇上鴻慈、憐臣病因已極、

俯賜寬假、調理、備微

聖主之寵靈、臣狗馬病軀、漸有起色、自當報名

廷謝、入部視事、若其潦倒如昨、跬步難前、然後再

申

前請積至誠以動

天聽庶進退不至於狼狽而風燭胥荷於生成矣
自嚴可任惶悚哀祈之至

崇禎五年十一月初四日具

奏本月初六日奉

聖旨計務殷煩卿還違屢旨速出不必請假
道欽此

原缺

前事未幾沉疴轉劇疏

奏爲微臣視事未幾沉疴轉劇欲去不敢言去欲
支不能强支懇乞

天恩俯賜寬假以便調理事臣自嚴衰病已極荷蒙
聖恩不卽棄捐乞休未

充乞假未

九感

君命之爲重覺性命之爲輕故不得已自本月十二
日力疾再出意謂畢此餘生以仰荅

知遇又謂幾幸損疾以再効驅策不意衰朽之年
病而諸症交作入暑甫經半月且日深日變也
先是臣病爲鬱熱所激面口赤腫潰裂爲瘡頭
目昏眩寒熱間作蓋元氣虛而邪氣勝也繼以
寒涼之藥投之脾胃作瀉飲食不尅矣又以發
散之劑投之丑內怔忡子夜不寐變爲自汗盜
汗等症晨起若冰霜之透於肌骨矣從前精力
頗減十九益邪未伏而元氣愈虛也臣以衰齡
而得此疾大類不起之症用是寢憂寢懼而又

國計在躬未敢靜攝目今謝絕人事謝絕賓客止
留一副精神付之軍

國入署而定喘息者數時乃展開案牘而精神復
爾昏昏抵寓而貼床褥者數時乃二豎膏肓而
徹夜又不安眠諸醫屢試藥餌無靈河魚腹疾
臣自知之若面孔若步履若氣色則自班聯以
至輿隸人共見之矣臣撫躬自悼蚤夜思維時
踏欲去而

明綸方沛斧鉞有赫豈臣子肆志之時低回欲留而

國計至重沉疴難痊豈隱忍支吾之日無奈具
天聽容臣寬假調理

別委侍郎一員署印倘徼

皇上之靈得不溘先朝露當再鞠躬盡瘁以報

國恩不然而病實爲之臣力無如之何臣心無如
之何

皇上不遺簪履其能淹臣之風燭也臣冒死陳情
毫無矯飾伏惟

聖明垂鑒爲冒嚴無任悚息待

命之至

崇禎五年十一月二十八日具

奏十二月初一日奉

聖旨卿司計勤恪偶恙着暫調卽出以副委任印不
必請署工部知道欽此

會題撫賞查明俯垂鑒宥疏

題爲撫賞查覈已明部過收發有據仰祈

聖明俯垂鑒宥事竊照撫賞一項事關邊情雖云彰
駕馭之雄圖實以備綢繆之遠畧不料邊衅相
沿奸黠百出年復一年遂成痼疾而莫可問

皇上念切邊防思深釐剔逆邇從來而一清之內責
朦朧外責破冒凜

明旨之有赫窺

聖慮之淵深無非欲懲前毖後革故鼎新俾金縢不

飽奸貪犬羊永就戒條耳臣等自奉嚴
罪以來日夕惶悚臣鳳翼當受事伊始之時
切冰淵思得徹底清查條分縷析俾部邊各有
責成出入永無朦混或可少追積愆萬一幸內
外諸臣經年磨算竭方殫心纖毫罔漏內部所
發之數與三鎮所收之數一一相符三鎮所收
之數與三鎮所發之數頭頭分剖三鎮經管收
發之人與各年侵冒那借之弊層層剝出已經
逐鎮查覈具覆并造簡明清冊上陳

御覽俱奉

明旨隨咨三鎮撫按監視一體遵行從此頭緒一清
諸奸莫遁應追補者當無不償之金錢應銷算
者亦無不清之項欵矣臣等各抱鬱裏從未敢
一言申剖者原以俟查覈既畢自有水落石出
之時值茲情僞立分

天日爲鑒臣等不敢朦朧之微情已在

日照月臨之下何敢復有陳瀆但兩部職掌各有司
存兩部分發各有欵額撫賞事隸兵部然樞臣

亦不敢自主也每歲邊臣以撫賞銀循例奏請
兵部據咨具題奉有

俞旨下部而後加數劄太僕寺給發是兵部之所發
者一一遵

明旨所允發而未敢朦徇也戶部職專司計每年題
發宣大山西年例皆屬主客兵餉雖督撫自該
鎮餉庫取用者並發爲撫賞之具然餉司按季
奏繳者終列於主餉客餉之中夫以餉責之戶臣
查自萬曆四十一年起至崇禎三年止大同鎮

共欠發銀二百七十四萬九千六百有零宣府
鎮共欠發銀一百一十七萬一千九百有零山
西鎮共欠發銀一百六萬二千五百有零俱經
開列備陳

御覽歷年以來止有積欠難消何從浮發未減其未
敢涉於朦朧尤易明也茲三鎮應減之數已於
崇禎四年冬季年例內專疏題

請減發奉

旨欽遵永以爲例矣第邊弊叢蠹有年臣等從歷來

諸臣之後無術摘發至煩

聖慮焦勞

明旨詰察而始積弊立破群奸就懲此則臣等奉職
無狀之罪莫能自解倘蒙

皇上宥其冥愚少寬

斧鑕姑賜罷斥以示弘仁此則

天地沾蕩之恩非臣等所敢冀也至於兩部司官從
萬曆四十一年起至崇禎三年止歷十有八載
矣自原任車駕司郎中許成龍以及倪嘉慶原

任山西司郎中馮上知以及喻思慥交代迭更
歲計月計共六十餘員今存亡升沉不一途矣
然所司止以案呈爲職耳在兵司題賞者皆奉
旨而行在戶司題餉者悉循例而請不獨不敢朦狗
亦無所容其朦狗也仰祈

皇上矜原念查覈之旣清鑒已往之無弊繫

賜寬宥俾中外臣工並悚惕于明察之莫逃更交勵
於勸懲之有等則風雨露雷總屬

上天仁愛矣至於書胥如戶役沈應聘兵役許允濟

等共一十三人逮繫

詔獄已經一歲又半矣該衛奉

旨拷訊至再至三有無情弊已莫处于

天鑒原奉有各役俱監候俟查明奏奪之

旨今查覈竣矣謹遵前

前旨一併奏明以俟

聖斷臣等無忝激切待

命之至

崇禎五年十二月初一日具

題本月初七日奉

聖旨戶部餉賞不分兵部據咨朦請情弊顯然何尚
以奉旨循例爲辭今正須逐年挨究各官侵肥實
情徹底清追併經手司官胥役通俟查明奏奪卿
等國之大臣還宜懲前毖後加意剔釐以副委任
不必合詞引請欽此

病勢委頓醫藥罔功疏

奏爲微臣病勢委頓醫藥罔功部務殷繁萬難再
治再懇

天恩番憐允放以無誤

國計事臣自嚴于十一月二十八日具微臣視事
未幾沉疴轉劇一疏再懇

皇上委侍郎一員署印容臣在寓調理嗣准吏部咨
十二月初一日恭奉

聖旨卿司計勤恪偶恙着暫調卽出以副委任印不

必請署該部知道欽此臣恭誦

溫綸涕零如雨隨匍匐床褥間叩頭訖竊念臣自
待罪計曹碌碌五載每遇疾痛未嘗不迫以
天然而寒暑爲祟藥餌尚靈未有表裏受症如今日
委頓之甚者也臣前四疏乞休荷蒙

屢旨慰留臣不敢顧惜微軀辜負

高厚扶病入署面腫唇裂之狀同官司屬無不見而
憐之食少事煩勞觸疾劇更變爲盜汗自汗勞
瘵虛怯之症萬難支撐乃又具疏仰控尚不悉

悲然求去但

請委署寬假調理亦幾幸旦暮可起圖報

聖恩萬分一也卽

明旨不允署印止容暫調或亦

憐臣狗馬之軀未必卽填溝壑尚堪收駕力于桑榆
也

覆載鴻恩幸未棄臣大馬戀

主豈甘自棄無奈福薄災甚日憊一日近日杜門以
來又將浹旬更方易藥十無一效病在頭目欲

宜其表而虛汗浙瀝寒慄不寐病在毛孔欲
其裏而虛火上炎眩掉如贅不惟面目可憎且
成廢疾抑且神情盡脫幾爲異物兼以脾土下
陷中氣閉塞痰嗽不絕奄奄待斃臣所以一旦
危篤至此者緣臣性癡認真好勞惡逸行年逾
六望七文移克棟汗牛而嘗于煇蒸栗烈之中
勉與簿書爲晨夜卽偶有風雪燥濕之感亦耻
以枕簟作生涯積漸而發驟難救藥病加小愈
固其所也使臣向者四疏以後干冒

天威再行補牘或未必至此而臣惕息

君命勉強嘗試以致客邪乘虛變症疊出則臣命也

雖然臣命在天不在醫自今以往更不在天在

皇上矣

皇上憐而放臣俾得以乘間調理少延視息是膏白骨而肉之也卽不然而生入里門令終牖下勿致以病廢鰥曠得罪軍

國貽羞中外則幸亦大矣蓋臣部非比他署可從容卧治者也辰下部務填委歲序更新提來歲

之糾結今歲之緒全在殘臘一月臣卧病一月
則百慮填胸卧病兼旬則彌年失計臣部雖有
有侍郎二員而印在臣寓勢難代理雖有十三
司司官而臣在病室何從稟成目今

皇上宵旰于上百執淬勵于下而臣獨以衰病殘軀
僵卧私寓廢

朝參而閣計務慚愧與惶懼交集其能一息晏然
藥餌間邪用是不避煩聒再瀝血忱上

請伏祈

聖恩矜臣病已危篤萬目共矚

立賜罷斥回籍其爲臣一身性命惜者猶小所以爲國計邊儲慮者實鉅矣臣不勝伏枕哀懇待

命之至

崇禎五年十二月初四日具

奏本月初七日奉

旨疆事方殷軍需正急豈計臣自遂之以卿詳練素著精力有餘着卽出恪職視事毋得頻請致稽部務吏部知道欽此

沉病難痊曠職滋懼疏

奏爲沉病難痊曠職滋懼三懇

天恩矜原放免以無誤邦計事臣自嚴于本年十二月初四日因病勢委頓醫藥罔功具疏乞

恩允放嗣准吏部咨本月初七日恭奉

聖旨疆事方殷軍需正急豈計臣自遂之日卿詳練素著精力有餘着卽出恪職視事毋得頻請致稽部務吏部知道欽此臣伏枕讀之不勝感激不勝悚懼又不勝悲歎也大人臣遭時遇

主沐

恩深重不能謹疾致身仰屬

睿論之諄切卽石人亦且泣下四郊多壘

宵旰未遑忝司會計而滄滄床策頻煩哀籲爲首丘
牖下之謀卽木偶亦當報顏況臣備嘗險阻積
歲拮据一疾不振頓委前勞殘機未就敝筭可
惜則亦不禁聲氣俱咽也聞

命自天有不驟然思起者豈臣說益人情哉無奈膏
肓根錮方藥枝窮困憊不支之狀臣前二疏已

備陳矣大都面瘡作楚已難施其肩目所最苦者盜汗不已積成瘵怯蓋至日閉藏冬汗原犯醫家之忌元氣消損盜汗尤非衰老所堪訖者謂汗爲心液心血耗竭虛火上炎故得此症必非視息久存之兆迄今徹夜無眠興居失節穀氣受傷羸骨僅支何猶勉繕章奏今則神昏于視草矣何猶強治文書今則手顫于署紙矣每當病魔乍退之餘報

主一念耿耿方寸始省身在床褥以來

國計軍儲之所妨礙權層漏洩以爲殞于他道者
殞于公署等也概未試起則榮魄支離作勢然
性而肢節潰倒病症至此卽輿扶入署尚能獨
與辦事乎尚能與同官司屬籌盈縮商多寡而
上下其議論乎不能而強以必能恐心計轉迷
能傾囊無益于部務之毫釐而適以速風煽
之激怒官亦

聖明所俯憐也臣捧誦

明旨一則曰疆事未竣一則曰詐練素著夫誠途者

馬閱歷粗疏乃番首病鶴鳴食俱廢臣實無能
爲矣

皇上不念及疆事臣猶可苟延調攝念及疆事而壯
夫馳騫不足者欲以衰病高枕圖之恐日就羸
悞破綻侵尋乃始言去爲身爲

國無一可者臣所以瀝血哀鳴望

皇上決計蚤放者也臣病篤氣竭語無擇音伏維
聖明鑒臣情非假託勢難臥理

番帷蓋之仁以予骸骨遂清疆之選以佐安撫

臣等謹將所請者略則

國計幸甚臣愚幸甚不勝待

命之至

崇禎五年十二月初十日具

奏本月十六日奉

聖旨屢旨諭卿已明何又踵請大臣宜遵君命豈容
自便身圖者卽出視事不得再稽該部知道欽此

繳事例 聖諭疏

題爲傳奉事崇禎五年十二月十一日該臣等

會極門接出

聖諭朝廷設官分職原以任賢用能非可別開倖濫其典制所載納粟輸貲並與選授止爲科目正途以外未盡之才因以此鼓舞俊秀招徠急公立法未嘗不善乃十餘年來軍務煩興群議足餉計臣屢經條奏事例從此頻開雖俯從士民好義之心少助國家師徒之費然而一時偶屬權宜事久必

茲弊盡更逾紛雜各醫混淆有費即可博官才
俱在勿論甚而儼然民收培剋取償階厲尤爲不
堪朕方欲慎稽流品撫恤痼瘼而開納不除則源
之不清流何能潔茲特諭爾戶工二部從今爲始
將近年新開各項事例盡行停止其以前曾經納
過者姑准照例序選此後不得再行援納仍將議
定款目條件開列明白奏請裁定傳示吏部遵守
不許朦朧影借致滋銓弊特諭欽此欽遵臣等仰

承

天語俯繹

明綸軍興繁費愧無匡濟之才弊竇叢生未審名器
之重以致挾貲者無分苗莠而授官者不問生
平借冠裳以誇閭里繁纓尚爲可惜假事權以
恣剝尅染指抑又何堪徒生奸頑不肖之心盡
失鼓舞招徠之意真挾少而願奢實醫瘡而剝
肉臣等質本庸劣思乏深長伏蒙

皇上逖稽

典制顧念民瘼思收材而防濫欲潔流而澄源牛溲

馬淳既願悉入搜羅敗類匪人未許從前待
寬其已納人無舛望之心慎于將來誰起
之念從此仕路一清輸將與登庸並用積實
杜官戾與民隱俱存真良法美意酌古繩今而
行之永遠無弊者也除款目條件容臣等詳加
商確另行開列具

奏外所有原奉

聖諭一遵謹合

進繳爲此具本謹具題

知

崇禎五年十二月十三日具

題本月十六日奉

聖旨知道了欽此

回奏延鎮差官解餉稽遲疏

奏爲遵

旨回奏事本月十二日該戶科抄出總理戶工兩部
一切出入錢糧事務司禮監太監張昇憲題奏
延鎮解官樊問知解餉遲悞等因本月初十日
奉

聖旨嚴鎮軍需甚急樊問知領解玩悞好生可惡且
着革了任戴罪押解速赴該鎮交割仍着該撫按
一面嚴催防護應付毋致疎虞併將他何日過里

何日起解何日到鎮一一奏明另奏補餉差官
諭戶部選擇的當刻期速到何又輕委泄視着該
司官回奏至部特應有定程何跡枉道供應着經
過驛傳官奏明該部知道欽此欽遵抄出到部臣
驚聞

明命不勝惶悚隨即移文河南陝西延綏撫按督押
本官星速解納謹加防護務保無虞及將過里
起解到鎮日期并經過驛傳枉道應付行文各
經管官逐一查明回

奏外及查膏餉差官一節該臣部陝西司司官回
奏今新任郎中劉孔敬于崇禎五年十二月二十

四日

命下陞授原非本官經手之事不便責令回

奏前任郎中范廷弼今陞湖廣漢陽知府五年十
一月內以查叅錯悞回話奉

旨于新任降三級管事業已赴任去訖臣待罪堂官
相應查明據實回

奏臣部違餉浩繁差遣不一遵奉

欽依于別衙門空閒官酌量取用又新奉

明旨以後實解邊餉亦須擇人臣部遵奉查取各衙
門印結確當方行選委查延綏五年秋季年例
應解銀十萬二千九百兩三分除扣抵外實應
解銀九萬九千三百一十五兩三分內該鎮委
官周于德先領銀四萬兩仍餘銀五萬九千三
百一十五兩三分需官押解邊光祿寺署監事
樊問知呈稱不憚險阻情願領解該司遵例移
取該寺印結隨于崇禎五年十月初六日具題

委解是臣部以印結信其監事之確也以監事
信其身家之勝任也期于銀兩無虞而止至于
領銀出

都取道迂直則非臣部所能預料者今該鎮餉司
曠昭因餉不至天聲疾呼總理內臣據以查叅
奉有

前旨臣部隨喚該鎮委官王國英查審據稱繇

京師至延鎮原有二路一繇真定經山西汾州至
延綏二千里有餘冬日一月可至一繇真定經

衛輝河南等府入潼關以至延綏約四千里有
餘冬日二月可至皆屬正道間知領銀

陛辭在十月二十四日據延鎮餉司于十一月二
十五日具呈內稱差兵候至汾州過月未見其
取道河南必矣舍近就遠臣不審問知果是何
見或者以汾州一路近日流賊縱橫寧費時日
而不敢冒險嘗試乎果爾是其爲邊餉計猶不
失爲過慎也惟是問知爲開封府密縣人距入
潼關之河南一帶尙數百里若舍銀而輕身赴

密或携銀兩達回經密先私後公將安所赴其
罪臣不能爲問知解矣總之

明旨所云何日過里何日到鎮何繇枉道供應者已
自

洞照無餘是在該撫按與驛傳官查明據實入
告恭聽

處分當自無遁情也若夫輕委泄視臣部萬萬不敢
出此但以嚴疆待哺之急而臣不能別選精敏
設法速解以上貽

君父之焦勞則悚懼無地矣謹將樊閭知題委始末
并枉道情節遵

旨回奏惟

聖明鑒宥焉臣無任隕越待

命之至

崇禎六年正月二十三日具

奏本月三十日奉

聖旨樊閭知候查明奏奪並延爾已經降處姑蘇

欽此

遵 苗奏繳 勅印藥

題爲遵

苗奏繳

勅印事該臣爲欽奉

明旨事題

請左右侍郎照舊分管新舊餉務等緣繇本年正月

二十六日奉

聖旨錢糧繁重報部一冊左右侍郎分數會覆依議
行勅印不必仍舊欽此欽遵准左右侍郎傳淑訓

劉榮嗣差官賁送查覈新舊餉務并事例錢法
各

勅印到部該臣看得部科新設查覈等差已奉有停
止之

旨而臣猶諄切疏留者蓋慮及不專勅則責成不力
恐以省事滋廢事也

皇上斷然收回

勅印而仍令左右侍郎分覈會覆是于滌煩去冗之
中猶切率作熙績之意臣仰奉

明綸咨行兩堂

天語隆重料無不協恭分理以稱綜核之治者所有
勅印相應遵

旨賫繳惟是錢法侍郎 勅印奉

旨特設在天啓元年八月內事例侍郎 勅印奉

旨添設在崇禎元年七月內似與新設查覈等差不

同臣因前

旨停止專指邊鎮糧餉而言至錢法事例吏部新題
分管原不在停止之列卽今奉

旨勅印不必仍舊亦似單及查餉兩差而兩臣遂
錢法事例勅印并求

奏繳臣欲不繳則兩臣之懇祈甚堅臣欲徑繳恐
干

明旨未當且慮將來事務叢脞臣獨力有所不能周
更議復設則臣今日不先奏明之咎滋大矣伏
候

聖明裁奪施行

崇禎六年二月初一日具

題本月初七日奉

聖旨知道了錢法前已有旨勅印不必繳停止事例
欽此

目病不痊、職滋レ疏

奏爲目病不痊、曠職滋甚、仰懇

聖恩、垂憐

、賜放免、以便調理、無悞

國計事臣レ待臯計曹六年于茲、乞休之章凡
十數上、病困則不容不呼

天呼

父母而稍愈、則不敢不

陛見受事、蓋生逢

堯舜之君何忍自棄矢竭犬馬之力無敢怠然故未嘗作無痛之呻吟亦未嘗堅必去之志向勿欺之義臣盟之素矣無奈臣以踰六望七之年當此錢穀繁劇之任老至病侵數奇症怪真有日異而月不同者備省瘵官五內慄仄用不得不再哀鳴苦籲于

皇上之前憶臣客冬痰火爲祟怔忡盜汗已成疔瘰之形維時多方醫診或言宜先清理或言宜先補助清則效遲而後無害補則效速而發恐劇

臣時氣息奄奄、急圖步履、勉服補劑、漸有起色、
累疏乞骸、未荷

俞旨、遵值

聖壽元旦屆期、只得追隨呼

嵩之後、然而久病乍起、正如虛索御風、空革盛氣、表
雖外盈、其實中虧、兩目熒熒、漸艱睹視、卽欲復

申前

請緣歲序方新

元良有慶、不敢遽以病

及二月初六日右目赤腫寒熱往來頭面俱痛連作楚至初八日滋甚是日勉赴

九刻皆見而憐之然自初九日以至十一日臣精力疾入暑忍痛辦事已而視變火炎兩目俱癢癢澀難開痛如刀割淚如雨注內服涼劑外用洗藥絕不見效蓋至今日而醫之言驗臣之病始不可支矣十二日

朝日大典亦悞陪祀今且竟日閉目偃臥私寓畏日羞明漸增翳障索牘紛至都付寢閣兼以虛

火上蒸兩耳雷鳴蟬噪不辨人聲與隊簪何
異潦倒如此尚堪爲

國家肩宏任鉅心夫人臣之所恃以靖其職業者
心志耳目也心志虛眩尚可借耳目以披閱聽
受耳目不靈則心志雖堪酬應而俛俛賸賸舉
止成僂言動受欺况錢穀詳細之地尤未可以
冥冥決事者也臣部日行文移題覆章奏不可
時刻稽悞時刻耽延臣旣耳目受病觸之不見
呼之不聞自同官司屬以至胥役昭然共睹若

再謚竿一日則悞臣部一日之事臣之罪不容誅矣伏祈

皇上察臣目病非假已成篤廢

隣臣顧懇情真毫無矯飾亟賜俯允回籍調理

速選賢能代理部務但得

國計軍儲不至重誤則臣雖死之日猶生之年矣

臣不勝悚息待

命之至

崇禎六年二月十五日具

奏本月十七日奉

聖旨邦計最重鄉老成詳練方切倚任偶恙易痊着
暫調卽出視事不必陳請吏部知道欽此

目青失明臣職久溺疏

奏爲目青漸至失明臣職無容久瀝謹瀝血誠再

懇

速賜允放以無悞

邦計重務事臣自嚴於本月十五日因目病不痊
曠職滋甚脩陳病勢潦倒之狀具疏仰籲伏聽
罷免續准吏部咨本月十七日恭奉

聖旨邦計最重卿老成詳練方切倚任偶恙易痊着
暫調卽出視事不必陳請吏部知道欽此臣感激

涕零扶掖叩頭訖因自念司計六載積愆
比以積衰多病無歲歲乞骸頻煩

天語之溫罔補地曹之重茲者復以目疾陳情深懼
瀆聒爲罪不圖

聖恩高厚仍加

勉留慚詳練之

褒蹇足欲奮感易痊之望枯骨知春

上未厭臣臣實戀

主一息苟存寧忘報塞惟是數日以來集醫選藥攻

補襍施無柰病根非一日之積藥餌鮮立効之
功因憶客冬初患在面目生瘡及宜利之而遂
得盜汗繼患在盜汗虛怯及升補之而今又得
目眚醫家止有此藥力日試一方補無功宜且
有害矣臣身止有此元氣日削一旦不受補更
不勝宜矣且臣受病之原固緣年力衰耗薄福
致祟亦繇心血消枯積勞爲殃蓋臣以衰年肩
劇任五六年間視漸昏而務竭其明累牘必竟
心漸迷而務極其算瑣務必周自惟以勤補拙

以勞救過不暇爲性命之憂而神太役則神
過用則敝遂滋爲耳目之患昨臣初病且所患
第在赤腫癢痛耳及瞪目視之字畫尚覺分明
今腫痛少減翳障愈深雖極目審視而蒼素茫
然雖執卷迴環而披閱莫解間令人讀之亦復
不能了了兼不便於點竄旋罷去矣夫人之精
神智慧盡萃於目目旣失明則亦土木枯骸焉
狗具形而已

聖明在上亦安所取於土木芻狗者而用之矧曰

何地尚書何官尤邊命脉所係非閉目坐了之事也十三司奉行所關非面壁相向之局也暫調既未能痊遷延必至廢事以錢穀緊要之職十旬九病挨排藥裹之間已無望於率作以纏綿宿錮之疴朝可暮劇反覆呼籲之煩其何當於靖共計惟有瀝血乞歸差不重誤

國事耳倘

皇上憐而放臣臣得一意調理偷視餘息敢忘浩蕩不然而欲去不得欲出不能食不獲下咽寢不

獲交曉焦心溺職虛火益炎必將捐軀性命
以殉之臣不足惜而

邦計之積弛釀玩所損多矣臣病必難遽痊臣勢
必不可留口占拜疏千難萬苦惟乞

天恩卽賜罷免特寬帷蓋之路

速委左右侍郎署篆

亟選賢能大臣主計庶免再煩呼籲屢瀆

天聽而且以重誤

國計爲也臣自嚴無任激切待

命之至

崇禎六年二月二十日具

奏本月二十三_レ奉

聖旨卿勤練素著邦計正借持籌昨諭旨已明何得
以偶恙頻請着祇遵卽出視事勿再稽延該部知
道欽此

朦目萬難計誤身更以誤上疏

奏爲朦目萬難主計誤身更以誤

國事能已遲微

恩非謹灑泣三籲

聖慈速賜允放事臣於本月二十日因目青甚重計

務坐壅再

懇乞休養奉

聖明垂鑒無不得

請復於本月二十三日接邸報奉

聖旨卿勤練素著邦計正藉持籌昨諭旨已明何得
以偶恙煩請着祇遵卽出視事勿再稽延該部知
道欽此荷

溫綸之有加慚報稱之無地苟犬馬微力可竭卽雙
眸併枯何憾然他病猶可勉強惟目病委難支
持臣實錮疾非同偶恙不堪持籌是用頻

請蓋司計何地今日司計何時其不能以冥冥從事
也明矣臣目旬日以來初患赤腫旣患翳障羞
明惡風大類矇瞽伏案披牘如同面墻間遇天

日精明畧有一隙之照、瞪目讀之、曾不及二三
行、輒復閉去、或用藥湯淋洗、旣閉強開、小有批
註、裁決一二緊要、滯牘次日必且腫障加甚、并
一隙之照亦不可得矣、見今公移科抄多付塵
閣、卽有原奉

旨速覆者、亦不能寓目矣、臣每一思之、通體戰慄
汗出如雨、掩面飲泣、自恨不辰、復叩之醫者云、
目者心血之精華、心血虛耗、則水衰火盛、中於
肺肝、感於二目、故心一動而目受之、目中不容

着一物心中不容著一事非謝事靜攝難望痊
可臣聞其言益爽然自矢五內如割嗟乎是天
實絕臣以驅馳之路而臣亦自絕其獻靖之階
者也夫景逼龍鍾不病亦言昏眊任膺繁劇不
病亦恐盲昧況一病潦倒已成瞽廢尚堪貿貿
持籌濫竽司農之堂貽羞當世之士耶方今

明明在上濟濟在下

皇上事事勵精諸臣人人兢奮臣忝竊握

邦計統率司屬閉目相向成何景象卽濡滯一朝

且不可況其久乎從此五官不寧百弊叢生必至僨事

皇上將何以處臣而臣又何以自處必是臣留一日則尸素之罪卽深一日

皇上留臣一日則明作之功卽悞一日

皇上自爲軍

國詐立

尤賜玦不待臣言煩聒者也

如謂臣言或有矯飾避其間不遣人

驗臣若目能視而以為不能視方能料理國事
而以為不能料理者臣願甘受

斧鑕之誅伏祈

聖慈鑒臣憐臣真病真苦放臣還里俾得追於悞
國之咎即瞑目首丘所甘心矣臣曷勝悚仄待
命之至

崇禎六年二月二十四日具

奏奉

聖旨未下